

蒙古史



蒙 式

古 卷

史

自經辛亥仲春
汪榮寶書

蒙古史序

有元開創之蹟正史荒陋幾於俄空焉近世史家略能言其事者恃有元秘史與元史譯文證補二書而已然秘史所錄但及太祖太宗其於太祖先世譜系與其用兵始末述之特詳而於太宗則甚闕略若譯文證補則於塞外三帝之烈皎然可尋矣日本河野元三近撰蒙古史講義更以羣材合構恢之彌博蓋其編次微旨在於表徵三帝之武功而歐洲西域之力征則尤廣記而備言之如證補於西遼之役文頗朴略俄羅斯之役僅附見拔都傳中西里亞之戰為旭烈兀最著之功績至闕焉靡載證補為旭烈兀立傳而亡其篇報達戰後之處置所叙亦略河野是撰皆盡其機要歷然可觀至若貨勒自彌之紛紜伊思馬哀之終始定憲繼統之紛爭證補雖皆摺拾及之其視是撰之事博而趣昭者殆猶遜之也夫證補於西征事迹皆以拉施特書為本而河田此編其所取材大半沿於多

桑之史拉施忒身仕宗藩探獲所資出書尙少多桑則當我朝嘉道之間其

可藉以綜緝者名篇實夥

其書參攷亞刺比波斯土耳其各史至二十餘種如訥薩怖阿黎之書皆其所本

固宜端緒

豐瞻度越羣著其書一出歐西學子輻輳競寫凡欲考元事者迭相斟酌傳誦而趨譯者繼踵以起蓋無不視爲寶書矣河田之依據此書而祖述之亦以其

彌綸該富固不能舍此而別求耳

多桑書第一冊叙成吉思汗事蹟第二冊記元末蒙古盛衰第三第四兩冊述伊兒汗之

沿革道光四年第一冊始出版於巴黎道光十四年乃印售全部日本田中萃一郎於明治四十二年譯行第一冊我邦今尙無譯本也 沔陽歐陽

瑞驛近年自黑龍江來館江甯就余權史見河田是編特有深嗜通譯其文發

憤卒業爲稽合故書裁別原目錄爲初本謂尙待研覈不能寫定余謂河田緒

言自謂不通蒙語差謬必多今於和文或有未協去害釋滯留待讀者固無妨

也若蒙兀塞外之故實洋洋郁郁則史料之久沈冥者也彼其狡焉於北荒介

馬而馳無不逞之願欲聞聲而慄望影而奔者遠暨泰西而無有甯宇生民之

禍亦極矣君子觀於滅國亡種之慘悱惻不康之情勃然而猝興則其事惡可
以不亟傅也爰復爲理董梓而行之俾治元初事者有考焉宣統三年二月丹
徒陳慶年序於江南圖書館

蒙古史目錄

卷上

第一編 蒙古之肇興

第一章 中國西北二邊之諸部落

第二章 蒙古之諸部落

第三章 成吉思汗之世系

第四章 成吉思汗之征服附近諸部落

第一節 十三翼之戰

第一節 泰亦赤之滅亡

第三節 哈答斤等十一種之征戰

第四節 哈蘭真額列特之戰

第五節 乃蠻及蔑兒乞之平服

第五章 成吉思汗之初上尊號

第六章 成吉思汗與金之交戰

第七章 木訶里之戰功

第八章 成吉思之西征

第一節 西遼之滅亡

第二節 貨勒自彌之形勢

第三節 西域之交涉

第四節 成吉思汗之親征

第五節 西軍之凱旋

第九章 速不台之西征

第十章 波斯之再征定

第十一章 西夏之滅亡

第十二章 成吉思汗之殂落

第十三章 蒙古之制度及風俗

卷下

第一編 蒙古之強盛

第一章 太祖繼嗣之聚議

第二章 太宗之卽位

第三章 太宗之伐金

第四章 睿宗之崩

第五章 太宗之初政

第六章 歐羅巴之征伐

第一節 北俄之征討

第二節 南俄之征討

第三節 波蘭之征討

第四節 馬加之侵略

第五節 歐羅巴之退軍

第七章 太宗之殂落

第八章 定宗之政治

第九章 皇位繼承之紛爭

第十章 憲宗之初政

第十一章 憲宗時代西域之征伐

第一節 札刺勒丁之再顯

第二節 憲宗之西伐

第三節 札刺勒丁之敗死

第四節 綽兒馬罕之戰功

第五節 小亞細亞之形勢

第十二章 旭烈兀之西征

第十三章 伊思馬哀之教徒

第十四章 伊思馬哀之討滅

第十五章 報達之征伐

第十六章 報達戰後之處分

第十七章 西里亞之征伐

第十八章 憲宗之殂落

蒙古史卷上

日本河野元三述

沔陽歐陽瑞驊譯

第一篇 蒙古之肇興

第一章 中國西北二邊之諸部落

中國西北邊之諸部落顯著於歷史上者最初為突厥種之匈奴迄紀元九三頃次為

通古斯族之鮮卑迄紀元二三三頃突厥種之柔然自五世紀初葉迄八世紀中葉及回紇自八世紀中葉迄九

世紀中葉又次為通古斯族之契丹自十世紀初葉迄十二世紀初葉及女真當十三世紀初此地

遊牧之部落多至數十種今但將其歷史上所數見者以最東方為始依次述

之

一 塔塔兒 近契丹故國境分六部居捕魚兒湖西南

二 汪古 居近長城後屬於金

三 客列亦 當肯特西北西爲乃蠻境有杭愛山北爲圖拉色楞格兩

河鄰蔑兒乞東北爲敖嫩克魯倫兩河發源之地其族分五部

四 乃蠻 在客列亦西介阿爾泰杭愛諸山之間有昂吉爾河貫流於

國中北接乞兒吉思西距沙漠鄰畏兀兒

五 畏兀兒 當塔里木河畔在今俄屬土而基斯坦之東中國之西

六 乞兒吉思 當葉泥塞河及昂吉爾河之上流據唐努山附近

七 蔑兒乞 一名阿朶顏在乞兒吉思之東北客列亦之西北南爲乃

蠻北接衛刺其族分四部

八 衛刺 在柏海爾湖之北其西則爲葉尼塞河之上流卽八河間也

九 禿馬 在乞兒吉思附近

十 札刺亦兒 在敖嫩河畔分十部部各有酋長

十一 唐古忒 爲西夏之故國領有今陝西省之大部蒙古云合申者卽河西之轉訛也

十二 撒合赤 其國不可考

其他在色楞格河畔北鄰伯爾科者有弗爾加齊烏魯窩集喀爾木齊之三族尙有斯烏尼陀乞烏爾烏弗爾罕等族不能詳其住所其遠如布奇雅渥罕爾渥罕哈里之諸部落則鄰歐羅巴試爲述其大要

此諸部落間有足係蒙古族之重輕者初爲匈奴次爲突厥

自五四五迄七四五

後爲東

方畏兀兒至十世紀而入十一世紀則西方突厥族之畏兀兒罕哈里加拿楚等次第伸張其威力而東方之突厥族哈刺乞解亦強彼時蒙古族之尼倫氏處於中心與突厥族相結合迄十二世紀哈刺乞解即遼爲中國所逐而女真繼起蒙古族僅得自保於色楞格及阿爾渾兩河之間突厥族之客列亦乃蠻加

爾渥等亦於其附近互保平衡之勢此外突厥族之哈刺乞解罕哈爾畏兀爾加拿楚等由中國西境而南至印度西至雅扶郎特國力漸微遠不如西鄰之突厥族當時蒙古最恐者卽中國其東南則爲女真惟欽察乞兒吉思哈窩庫之諸族尙足自持此皆中國北西邊諸部落之情形也請進言蒙古諸部落之歷史

第二章 蒙古之諸部落

蒙古諸部落之根據地原在敖嫩克魯倫兩河之間爲室韋契丹之一部大別之爲二類一爲尼倫一爲多兒勒斤多兒勒斤居阿爾格乃哀山分六姓一阿里統二翁吉刺及其支派三亦乞列孫四鄂勒郭諾五哈勒諾六扶古里兀與哈勒諾扶古里兀相近者有豁里刺兒台音金吉其他之速勒都孫伯牙兀等亦著名尙有阿施巴兀之三支裔及扶南兒苦兒喇克連兀費奚伊突洛吉等

故總計多兒勒斤之姓氏爲十六種云其尼倫之姓氏凡二十種茲略舉之如

左

一 合答斤 出不忽合塔吉

二 撒勒只兀 出不合秃撒勒只

三 阿力干 出抄真幹爾帖該

四 失主兀 出同上

五 泰亦赤兀 出察刺孩領忽

六 赤尼思 出更都赤那

七 那牙勒 出葛朮虎

八 兀魯兀 出同上

九 忙忽魯 出同上

十 巴阿鄰

十一 朶兒邊 出都蛙鎖豁兒

十二 康羅兀

十三 施兀開兀

十四 巴魯刺思 出合出刺

十五 阿答兒斤 出合赤溫

十六 札答闌 出兀土勒卑牙

十七 朶豁刺 出布端察爾朶黑闌

十八 別速 出乞雅台幹赤斤

十九 施兀康

二十 斤果答

此外在此二十氏上最有勢力者爲乞要氏之乞要孛兒只斤及乞要月兒斤沿兀列孛答兒蓋乞要氏爲蒙古族出於阿爾格乃袞山自有姓以來相沿不改非如他姓自分族後遂各易其姓氏也成吉思汗卽屬於乞要氏

第三章 成吉思汗之世系

成吉思汗之先當八世紀中葉發起於阿爾格乃袞山後移居於不兒罕山是爲敖嫩克魯倫圖拉三河之發源地其長爲布再特齊諾經巴塔赤罕塔馬察豁里察兒蔑兒干阿兀站孛羅溫也客爾敦擣鎖赤合兒出八世至朵奔蔑兒干娶火魯拉思氏女阿蘭豁阿生二子一爲別勒古訥台一爲不古訥台逮朵奔蔑兒干死阿蘭豁阿感白光又生三子曰不忽合塔吉日不合禿撒勒只曰孛端察兒是爲合塔赤斤氏撒勒只兀氏孛兒只斤氏之祖此三子之裔蒙古稱尼倫釋義爲清潔別派則謂爲多兒勒斤猶言常人也

孛端察兒爲成吉思汗之九世祖當十世紀初彼之孫瑪哈圖丹一名蔑年土敦娶那

莫倫舉八子或云七子或云八子爲札刺亦兒人所襲八子及其母皆被殺惟一子海都

尙幼其族人納臣娶巴兒忽特人之女居其國聞變來視庇護得免海都比長

率其族攻札刺亦兒人捕之爲奴遂遷於蒙古外界之巴兒忽真土窟木居加

那兀克黑河邊納臣則居敖嫩河畔

海都爲成吉思汗之六世祖有三子爲伯升豁兒多黑申察刺孩領忽及抄真

幹兒帖該後二者爲前述泰亦赤兀阿力干失主兀三氏之祖伯升豁兒多黑

申之子爲屯必乃薛禪一曰托木巴該罕生九子爲葛朮虎巴林亦刺禿合必

赤合出刺哈準合闐歹合不勒汗烏圖爾伯顏布端察爾朵黑闐乞牙台幹赤

斤葛朮虎之後爲那牙勒氏兀魯兀氏忙忽魯氏合出刺之後爲巴魯刺思氏

合準之後爲阿答兒斤氏合闐歹之後爲不答安氏烏圖爾伯顏之後爲沿兀

列氏布端察爾朵黑闌之後爲朵豁刺氏合牙台斡赤斤之後爲別速氏概如前所述也

合不勒汗爲成吉思三世祖繼屯必乃爲蒙古酋娶翁吉刺氏女呼阿忽郭斡舉六子甚著威名以病爲金所殺其六子爲斡勤巴兒合黑把爾壇把阿秃兒忽秃黑秃蒙古兒合答安忽圖刺合罕脫朵延斡赤斤第二子有四子爲忙格秃乞顏捏坤太石也速該把阿秃兒答里台斡赤斤是等所出之裔均謂之乞要譯言奔流之義也

也速該卽成吉思汗之父其妻爲斡勒忽納特氏之女諤倫額格舉五子大率皮色黃目睛灰色稱乞要孛兒只斤氏別於他氏五子卽成吉思朮赤哈薩兒哈準帖木哥斡赤斤別勒格台等成吉思汗名鐵木眞以一一六二年生於迭里溫孛勒答黑山適其父獲塔塔兒部酋鐵木眞兀格因誌軍功卽取鐵木眞以名之生時右手掌中握血一塊此卽成吉思汗世系之大要也試揭其世系如左

系譜表

布再特齊諾—巴塔赤罕—塔馬察—豁里察兒蔑兒干—阿兀站孛羅溫

也答爾敦—掃鎖赤

合兒出

(一) 朵奔蔑兒干

阿蘭豁阿

別勒古訥台

不古訥台

(五) 葛朮虎

巴林亦刺禿合必赤

合出刺

哈準

合蘭夕

合不勒汗

烏圖爾伯顏

布端察爾朵黑蘭

乞牙台幹赤斤

不忽合塔吉

不合禿撒勒只

(二) 孛端察兒

布格—蔑年土敦

那莫倫

海都

伯升豁兒多黑申—屯必乃薛禪

(三) 察刺孩領忽

抄真幹爾帖該

巴兒忽特

(四) 沙兒郭都魯赤那—俺把該

哈丹太古—孛端

幹勤巴兒合黑

(六) 把兒壇把阿禿兒

忽禿黑禿蒙古兒

合答安

忽圖刺合罕

脫朵延幹赤斤

忙格禿乞顏

捏坤太石

也速該

答里台幹赤斤

帖木真

朮赤哈薩兒

哈準

帖木哥幹赤斤

別勒格台

附記各書所載世系與本表異者如左

(一)元朝秘史自合兒出至朵奔蔑兒干之間經孛兒只吉歹蔑兒干脫羅豁勒真伯顏孛羅勒歹速牙勒必等世尙有朵奔兒都蛙鎖豁兒卽朵兒邊祖也

(二)元朝秘史孛端察爾之子有巴阿里歹爲巴阿鄰氏之祖有合必赤其子爲蔑年土敦又有沿兀列爲沿兀列亦惕氏之祖而納臣爲蔑年土敦之七子海都爲蔑年土敦之孫合出刺則爲蔑年土敦之四子爲巴魯刺思氏之祖哈準爲蔑年土敦之第五子爲阿答兒斤氏之祖

(三)元朝秘史察刺孩領忽娶嫂生一子爲別速台卽別速惕氏之祖別速惕卽別速台別速台卽乞雅台斡赤斤也

(四)多桑史卷一附載拉施特書俺巴該之父爲更都赤那卽沙兒郭都

魯赤那與其弟烏魯克勤赤那均爲赤尼思氏之祖也

(五)元朝秘史朵豁刺氏失主兀氏忙忽魯氏兀魯兀氏均爲納臣之後
惟那牙勒氏爲蔑年土敦第三子之後

(六)元朝秘史斡勤巴兒合黑爲乞要主兒乞氏之祖

第四章 成吉思汗之征服附近諸部落

第一節 三翼之戰

蒙古族及突厥族最畏者既爲金人其勢遂甚危不能不求援於宋金帝因以蒙古之合不勒汗當一一二〇年迄一一三〇年間威名甚著爲鄰近諸部落所敬服恐其一旦通好於宋更與客列亦同盟自北來而援宋則金卽腹背受敵乃百計求歡於合不勒汗合不勒汗爲所誘於一一三五年遂被殺故迄一一三八年孛兒只斤之一族常與金戰一一四〇年更進而迫金爲諸部落之

盟主其勢甚盛一一五四年把兒壇把阿禿兒起益與之反抗先是俺巴該汗及泰亦赤兀酋娶婦於塔塔兒爲部人所捕獻於金帝遭其慘殺旋斡勤巴兒合黑亦爲所害俺巴該之子哈丹太石合不勒汗子忽圖刺及其孫也速該等遂進兵向金忽圖刺夙以剛勇聞總統全軍嘗侵入中國內地捕獲甚衆致塔塔兒得肆其侵陵又合不勒汗妻呼阿忽郭斡弟賽因特斤遭疾招塔塔兒之巫治之無效而死其遺族等遂殺巫者塔塔兒大怒與搆兵合不勒汗諸子以外戚故爲之應援塔塔兒遂與蒙古啓豐時有所報復故蒙古之敵除金人外卽爲塔塔兒當也速該之世數與之戰一一五五年之役獲鐵木眞兀格是其最著也是爲成吉思繼其父時對於塔塔兒第一之征戰

成吉思失父時甫十三歲其父所轄之尼倫種易其年幼悉有叛心當時泰亦赤兀部長爲海都之曾孫塔兒忽台其部下皆叛去成吉思之母卽騎馬持突

克即施

率衆追叛者列陣而戰還者甚少其餘諸部亦漸叛去最著者爲札只

刺特部其部民推札木合薛禪爲主先是札木哈族有給察兒者牧於斡刺該
不刺合河畔成吉思之薩里牧地卽在其附近札刺亦兒人拙赤塔兒馬刺以
殺那莫侖夫人降於海都爲奴婢一日牧於此地給察兒掠其馬爲所射殺札
木哈大怒率其部衆歸泰亦赤兀部旋率亦乞刺思兀魯兀那牙勤火魯刺思
等十三部之兵合三萬人踰阿刺兀惕土兒合兀兩山來襲亦乞刺思人木勒
客脫塔黑孛羅溫勒歹先來告其狀時成吉思在荅闌巴勒主惕
報卽在十三圈子內糾兵一萬三千出禦所謂十三翼之戰也未幾大勝乃於
其近傍之山林中用七十鑊以烹俘虜兀魯兀氏忙忽魯氏遂來屬泰亦赤兀
等遁走時一一八八年也

上二字平
原之意得

十三翼之戰爲鐵木真最初之軍功蒙古孛兒乞要氏始博之聲譽卽有名之

大戰役也至其軍隊組織之法亦須深究其十三翼每翼以騎兵千人組成爲成吉思首創之新法當第十二世紀初如東方亞細亞之女真突厥蒙古等所行之軍隊組織法則以五十人爲單位爲五列故每列爲十人第一第二兩列均以甲冑繫身後三列騎馬攜槍其最前列之二人分任斥候之事其左右各人爲遊翼應戰餘則進擊前二列爲擁護或放箭或振刀均隨時因應以單位而十進爲五百再進之則爲五千成一軍成吉思乃改之倍其列中之數一列爲二十人一隊爲百人其遊軍則從前制故成吉思之四出征討皆得奏功者卽因此軍隊組織法之效也與昔日滿多里亞之孛里勃思簇聚長槍成方陣隊而取勝者有殊

十三翼中之人名部族姓氏聖武親征錄所記與泰西史所載多異茲從泰西史而撮舉之

第一翼 諤倫額格及其族斡勒忽闌人

第二翼 鐵木真之子弟從者及各族之子弟

第三翼 撒姆哈準之後翼裔並阿答兒斤族人及客乃亦之一部火

魯刺思族人

第四翼 博歹阿族人

第五翼 乞要月兒斤族人及札刺亦兒人

第六翼 同上

第七翼 乞要氏之一族

第八翼 蒙格禿乞顏之後裔及巴牙兀人

第九翼 答里台斡赤斤捏坤太石之後裔並撒哈夷委神台兀里火

兒罕諸部人

第十翼 忽都刺哈汗之後裔並其從者

第十一翼 忽都哈汗後裔之一部

第十二翼 沙乞阿忽爾忽烏魯等部人

第十三翼 赤尼思部人

第二節 秦亦赤之滅亡

自一一八九年至一一九三年頃成吉思銳意經營拓其勢力於突厥蒙古塔塔兒所有領域自戈壁北克魯倫色楞格之兩河間南至晉克圖河畔將祖宗之政畧舉行更張以思稱雄宇內遂首行援金征塔塔兒之策

金故與蒙古敵也而蒙古所倚爲聲援者宋當一一六二年宋與金媾和蒙古懼援之散而金得以陵之遂欲轉交好於金而塔塔兒日謀叛金又夙與已有釁成吉思乃起而助金征塔塔兒與其酋篋古真薛兀勒圖戰破之掠獲甚衆

金帝大喜獎其功授爲丞相賜札兀忽里之號卽征討使之義也時成吉思方

三十二歲云

一云四
十歲

一一九五年汪罕之弟札罕不及客列亦之分族董喀亦部人來歸先是鐵木

真之父也速該與汪罕友善屢有援助汪罕本名唐古努因得金王號併汗號

遂稱汪罕汪罕卽位便以殺戮親族爲事其叔父古兒汗得乃蠻之援來襲汪

罕逃於唐古忒以也速該援得復位也速該因與汪罕相約爲諳達

兄弟
之義

其後

汪罕弟額兒客哈喇合乃蠻來襲將逃於黑契丹黑契丹之軍來救乃免汪罕

遂與乃蠻懷怨及聞諳達也速該之子威名漸著一一九六年春約會於古泄

兒湖畔翌秋更大宴於土拉河畔訂爲父子誓共利害成吉思幼亦爲乃蠻所

掠速勒都孫鎮兒罕失刺救之逸出故成吉思亦夙怨乃蠻者十三翼之成卽

欲報之至汪罕之對於塔塔兒亦有仇讐蓋汪罕之祖忙古斯夫烏拉烏庫爲

塔塔兒之闌拉夫烏拉烏庫所害其母以計殺塔塔兒曾同於蒙古對塔塔兒

之仇怨也故汪罕與成吉思同盟而欲併力滅此二敵也

一一九七年春汪罕乃與成吉思同攻月兒斤氏秋復北征貝加爾湖畔之篋

兒乞時兀洼思莫托托塔克里及赤溫四部皆戴托克塔為長而兩軍相戰於

色楞格河傍之莫那察大敗篋兒乞掠獲甚衆悉予客列亦一一九八年汪罕

遂獨征篋兒乞於不兀刺客額兒殺托客塔之子土古思別乞並擄忽圖赤老

溫托客塔奔巴兒古真其地在塞尼東北貝加爾湖東

一一九九年汪罕與成吉思同兵攻乃蠻時赤難察必拉克布達汗

上三字突厥語不信

之義次三字為稱號終二字畏兀兒古代稱王之名也略言之曰赤難察汗

既死其二子太亦布哈及不亦魯黑汗

爭位不和

太亦布哈為金所封大王之號大王即汗稱也蒙古人詛為太陽汗不亦魯黑統領之義本名古敦即突厥語所謂强大也

旋其

弟率部下退居於阿爾泰山附近之乞濕泐巴失太亦布哈即位從國人請也

成吉思等來侵乃蠻人遂退於謙州其地爲乞兒吉思所屬在葉尼塞河上流至翌冬乃蠻將可克薛兀撒卜刺黑來襲札荅關長札木合薛禪亦來擊成吉思遂退軍薩里撒卜刺黑更進追汪罕攻其弟必魯加札克母不於額埤兒阿勒台谷間侵答土溫阿母奚刺兩地入克列亦境札克母不馳至告汪罕汪罕卽遣其子桑昆

那奚突托及桑昆卽中國皇子義或訛爲嗣君

來乞援成吉思卽命博爾求木合黎博

爾忽赤老溫等出師桑昆方爲所破四將遂襲乃蠻掠獲甚衆成吉思悉命與汪罕汪罕更賞博爾求是後交誼益密成吉思弟朮赤哈薩兒復率兵向乃蠻大勝托克塔卽遣忽都烏阿拉赤牙忽至泰亦赤兀乞師當時泰亦赤兀四酋益庫兀庫楚忽里兒忽都答兒塔兒忽台哈刺兒禿克共會於沙漠決議一二〇〇年成吉思與汪罕會於薩里議討泰亦赤兀進兵於月良禿刺思殺其將忽都答兒塔兒忽台忽里兒逃於乃蠻益庫兀庫楚逃入巴兒古眞泰亦赤兀

遂全平

第三節 合荅斤第十一種之征戰

成吉思既滅泰亦赤兀威名漸著近鄰諸部落皆震懾合荅斤撒兒助特朵兒邊翁吉刺及塔塔兒等部約成吉思會於阿勒灰不刺阿與之同盟實則爲掩襲之計翁吉刺酋特因色辰爲成吉思舅父密來告先是成吉思遣使招合荅斤及撒兒助特屢爲彼等所辱遂共輸誠於泰亦赤兀託其庇護常從泰亦赤兀與成吉思戰泰亦赤兀既滅日虞不保遂定是策成吉思聞報乃由虎敦湖至捕魚兒湖畔與敵衆相會一戰而破之是冬汪罕自克魯倫河上至忽八海牙部其弟札罕不與客列亦之四將將謀殺其兄乃投於乃蠻太陽汗是冬成吉思至乞鯁境徹徹兒山卽汪罕之豫定地也成吉思遂率兵攻蔑兒乞之阿刺兀都兒泰亦赤兀之哈罕太石并塔塔兒之察忽兒開兒伯克戰於答蘭捏

木兒格思大勝月兒斤長撒赤牙札答蘭長札木哈及成吉思弟朮赤哈薩兒并阿剌兀都兒等共謀叛成吉思成吉思除朮赤哈薩兒外悉討之

一二〇一年

元朝秘史雞年即嘉泰元年辛酉

翁吉刺亦乞刺思火魯刺思塔塔兒合答斤撒

兒助特等會於刊河推札答蘭長札木合為古兒汗

即普汗之義

來襲成吉思旋知

其狀出禦於亦提火兒汗地悉降其衆

壬戌年即一二〇二年春成吉思駐兀魯回失魯楚兒只特河

秘史稱兀勒灰河與失魯格勒

只惕地面

將討塔塔兒彼分六部居捕魚兒湖畔與金鄰勢頗强大成吉思攻察罕

按赤兩部時蔑兒乞之托克塔思圖再舉求援於乃蠻不亦魯黑並合朶兒邊

塔塔兒合答斤撒兒助特及衛刺等於是年秋來襲成吉思遂自兀魯回失魯

楚只特啓行至中國附近之哈刺溫赤敦山界札木哈古兒汗知不利乃降汪

罕時成吉思與汪罕同在阿剌兒汪罕雖為蒙古軍長而實際之聲名則成吉

思在其上其不降成吉思而降汪罕者知汪罕心性無恒陰來覘之也冬成吉思與汪罕駐阿兒郤宏哥兒距哈喇溫赤敦不遠成吉思欲得汪罕女察兀兒別乞爲長子朮赤之妻汪罕亦欲以成吉思女爲桑昆之子禿撒哈妻兩皆不諧交好漸疎札木哈遂欲實行最初之計畫當一二〇二年戰役阿勒壇忽圖刺合及答里台斡赤斤等曾以擅行掠奪背軍律受罰共投汪罕部下乃先誘桑昆與彼等結將攻成吉思先以其謀告汪罕汪罕不許謂彼等對成吉思實有異心不可信其言桑昆等重慫恿之心終不決最後乃從其議

第四節 哈蘭真額列特之戰

一二〇三年成吉思至蒙力克額赤格桑昆舉兵來襲汪罕之臣也客扯連泄其機於成吉思乃置哨兵於溫都兒山伊兒吉歹先瞭敵至哈蘭真兀列特以告成吉思時忙忽魯氏忽亦勒塔兒立纛於奎騰山成吉思進攻客列亦只斤

兒及土別干等爲客列亦最強大之種皆爲所破走桑昆雖勇戰其面傷矢餘將亦多敗汪罕乃斂兵罷戰是稱哈蘭真額列之戰爲蒙古有名戰爭之一也其地近乞觶國界桑昆之爲是舉實與理暎蓋成吉思征戰之政策先在平服北方之敵且以顧慮東方注意殲滅貝加爾湖畔之種族於他族則常示親好彼等不能察成吉思之心而爲札不哈所惑遂起而叛成吉思

成吉思旣勝見汪罕之軍勢未衰不易破乃退軍當時軍氣沮喪部衆多散從成吉思至巴爾渚納河畔者極少成吉思因慨然汲濁流與從者誓稱彼等曰巴爾渚納黨厚爲賞賚以獎其忠比抵鄂爾河附近之哈爾達克哈逃亡者漸來歸乃同至董嘎湖之脫兒哈火魯罕使阿兒海者溫告曰我父也速該拯汝之難遂同誓爲諳達是後我亦屢有德於汝其數有五當時要約甚重至今我與汝已如相合之車輪而去其一輪也更謂火察兒及其姪阿勒壇曰初我不

欲爲長願汝等讓於捏坤太石及忽都刺合罕之子汝等不從強我爲之以繼我父也速該而汝等今皆叛歸汪罕汪罕心亦無恒遂爽舊盟也語畢皆不能對

成吉思於是出巴爾渚納湖進掠翁吉刺先是汪罕自哈蘭真額列特戰後移駐只感忽廬有荅力台幹赤斤阿阿勒壇札木哈忽都忽特共謀害汪罕不果撒合亦惕種荅力台幹遂來降於成吉思餘均降乃蠻汗成吉思夏過巴爾渚納秋卽集兵於幹難河將襲客列亦時朮赤哈薩兒來歸遣其臣某給以僞言於折額兒溫都兒山

溫都兒卽高地之義在圖拉河東克魯倫河西

襲之汪罕敗走逃入乃蠻至捏坤

烏孫境上爲其守將所殺桑昆逃於波黎吐蕃爲部民所逐又逃於喀什噶爾和闐間之古買至曲先居徹兒哥思蠻爲其主所殺客列亦遂亡

第五節 乃蠻及蔑兒乞之平服

一二〇三年冬成吉思大獵於帖麥該川附近之帖蔑延客額兒然後歸溫都

兒

庭 卽龍

明春更出征時乃蠻太陽汗太亦布哈遣使於汪古部酋阿刺忽思的

乞火力欲結同盟以敵成吉思阿刺忽思不應告於成吉思復爲盟好一二〇

四年

甲子卽鼠年

春會於帖麥該河畔之忽里刺台議開戰略或以畜牧疾疫之故

俟秋高馬肥而後進兵斡赤斤那顏及別里古台斥其議欲卽出兵衆皆稱善
乃進兵伐乃蠻秋太陽汗自按台來陣於杭愛山麓與蔑兒乞部長脫忽塔客
列亦之一部長阿隣太石衛刺部長忽都花別吉札答蘭部長札木哈及朵兒
奔塔塔兒撒兒助特等部合時太陽汗尙猶豫不進火力速八赤大駁之太陽
汗遂率衆來侵成吉思亦指揮朮赤兀兵前向大戰至薄暮乃蠻潰走擒殺太
陽汗捕古兒別速爲成吉思之妃其他陷納忽崖而死者無算餘衆悉來降朵
兒奔塔塔兒哈荅斤撒兒助特諸部皆來附蔑兒乞之脫忽塔不來已先逃去

太陽汗之子古出魯克走依不亦魯黑汗

自是成吉思遂徵蔑兒乞兀洼思長苔亦兒兀孫未及戰以其女忽蘭獻以不耐兵馬不能從軍爲辭迨散出後復叛其他托忽塔之屬部兀都亦及麥端脫塔哈林支恆等部皆被征伐苔亦兒兀孫在色楞格附近之洽刺溫隘堅城中亦投武器來降捕札木哈以先曾誓爲諳達不忍戮後爲伊兒吉歹部下所殺蔑兒乞遂亡乃蠻平塔塔兒最有勢之都克里烏部亦破一二〇五年侵唐古忒俘掠甚衆故後此所專力擊襲者惟中國北方之金而已

第五章 成吉思汗之初上尊號

如前數節所述成吉思自北鄰泰亦赤兀蔑兒乞始東至乃蠻南至客乃亦諸部均以次討滅其他之小部落不招自集遂爲漠北有勢之一大君主東塔塔兒亦屈服惟在北方沙漠之唐古忒與金尙未馴服因以前所征之漂自諸族

悉受服從近又新得威權不可上一相當之稱號一二〇六年丙寅

即虎年 宋甯宗九

開禧二年金泰和六年

春在敖嫩河源附近大會各部長由忽尼刺塔倡議先舉突克

即

脚白旗

遂從俗尙用巫者闕闕出述天命曰鐵木真今既以古兒汗征服各君主

其改稱號爲成吉思汗蓋成者堅強之義吉思者多數之義汗卽合衆之謂也

宜爲各部之大長成吉思納之時年四十四巫者晃豁壇氏出後爲朮赤哈撒

兒所殺其年卽蒙古太祖元年

成吉思既用忽尼刺塔之議受尊號乃復出伐乃蠻之不亦魯黑汗戰於兀魯

塔山

突厥語大山之義

之莎合水河附近當巴爾加西湖附近小阿爾泰山之西殺其

部衆並掠其畜牧以歸其姪太陽汗之子古出魯克汗與蔑兒乞王托克塔共

奔額兒的石河邊

一二〇七年丁卯春再征唐古忒掠其一部並遣使至乞兒吉思克木克木赤

烏特促其兩王來貢乞兒吉思爲突厥種東南帶色楞格北及東以額爾古納河爲界以小阿爾泰山與乃蠻爲界始屬委兀兒後入貢中國國勢漸衰分爲乞兒吉思克木克木赤烏特各有君主亦難及成吉思使至遂以名鷹白海青入貢

一二〇八年春自唐古忒班師夏歸龍庭秋征古出魯克汗及托克塔進師於額兒的石會忽都花別吉率衛刺種前來不戰而降因用爲嚮道攻古出魯克汗等於錫爾河邊蔑兒乞大敗托克塔中流矢死其子逃於畏兀兒屈出律可汗僅以數人脫走別失八里入土而基斯單之苦義一小邑內是邑在塔里木河畔土而基斯單卽西遼大汗之庭其國在畏兀兒西土刺斯烏吉之東稱黑契丹契丹之一部也

一二〇九年秋成吉思三征唐古忒陷其各城寨圍首都赤烏石

今之寧夏

不能陷

遂媾和納其王李安全之女退還龍庭畏兀兒國王聞成吉思之威名殺西遼所置之官納款來降畏兀兒爲突厥種在乃蠻西南鄂爾畢圖拉色楞格三河之間始屬土而基帝國至七世紀初葉遂屬中國八世紀中葉自爲帝國迄九世紀中葉爲乞兒吉思及中國人所逐徙至杭愛山西南天山附近十三世紀初葉以來爲西遼之屬邦至是成吉思聞其入貢先遣按力也奴及答拜二人往其王亦都護亦將遣使巴而求阿而忒的斤來締好並上陳西遼之情勢見成吉思使至大喜迎而厚禮之更遣使對成吉思曰臣聞皇帝之雄威大度能撫定百姓將棄黑契丹之舊好遣使來附不料天使自遠辱臨譬之雲開見日水泮得水不勝喜躍而今而後願率部衆爲臣僕以效犬馬之勞成吉思知畏兀兒不與庇護托克塔之子弟事故喜與之互通使節時一二一〇年夏也一二一一年春黑契丹古兒汗遣其二臣來通款其一爲突厥種合兒魯兀部

卽阿刺兒附近巴納渚畔民族之主一爲海押立之君阿兒思蘭汗及阿力麻里之君阿真魯皆與成吉思結婚姻

第六章 成吉思汗與金之交戰

成吉思既討平鄰近之諸部落威名遠轟於中亞細亞其附近未經征定者惟金時金章宗璟既死世宗之子卽位一二一〇遣使於成吉思成吉思亦遣使一二一四報之成吉思以罵其君辱其使節挑戰乃命脫忽察兒率兵二千司留守一二一一年三月出克魯倫河畔營進而南征令其四子朮赤察合台窩闊台拖雷各將兵從征爲千騎百騎十騎之制卽前十三翼之制也

金主聞報不信罪其近境之將後探知屬實遣使至蒙古營議和不許乃遣參政胡沙以下設防禦成吉思進攻破金將定薛於野狐嶺取大水灤豐利等縣

哲別見胡沙等不爲備先攻擁護西京今大之烏沙堡烏月營拔之營在西京東一里地

進圍西京七日將士多逃追至北京當時蒙古軍所領東過平灤永平府治南至青

滄河間府青縣滄洲自臨潢至遼河西南至忻代山西太原府之二州皆其土地也

金命招討使完顏九斤監軍完顏萬奴等奉命駐西京東附近之野狐嶺傍以

胡沙之重兵從成吉思聞信進拒於權兒喚嘴九斤之將明安來降告以敵情

襲九斤軍潰走乘勝進擊其本軍胡沙不能支追於會河畔之塞會合堡僅以

身免走宣德府在大同府西北八十里十月蒙古軍進破之復取德興府直隸保定州達居庸

關昌平州北去首都數里為一要塞其守將完顏福壽出奔哲別遂入旋追中都今順

府天津金帝彼困南走汴河南開封府將士誓死守奮鬪屢斥蒙古軍十一月大起勤王

軍蒙古兵遂襲金之羣牧監驅其馬掠其近地而去

是時朮赤察合台窩闊台等各率兵取山西壁北六州地別軍由直隸北至於

海取之一二二年初蒙古軍陷昌恒諸州木訶里出黃河之畔而成吉思圍

大同府金將紇石烈欲救九斤至途爲成吉思所逆擊大敗成吉思亦不能陷大同府退軍城北

當時遼東之契丹亦叛金蓋遼之一族有耶律留哥者爲金軍之千人長守北

境今率一族投蒙古軍先逃於隆安本扶餘地今遼東混同江東一二二二年初戰起成吉

思聞其有降意遣韓陳諾顏締盟適胡沙以六萬軍來討蒙軍三千合契丹之

衆十餘萬與之戰大勝後哲別將是地全征定進圍東京以詭計陷之一二一三年一

月成吉思封留哥爲遼王都咸平

一二一三年成吉思再入中國及歸所略之地多復爲金有乃再取懷來與金

之元帥右監軍朮虎高琪諸將遇敗之僵尸四十里迫古北口順天府密雲縣東北此地

爲長城之一要塞知金軍守居庸關不易降留怯台薄察等爲視隊率別衆進

指首都出紫荆關破金將奧敦別遣哲別自居庸南口出侵成吉思自與怯台

薄察軍合又令怯台薄察守中都自率兵拔涿易

皆順天府屬

二州

是時金之西境爲唐古忒所略金諸將聞成吉思威名爭來降以彼等爲四十六都統從軍朮赤察合台窩闊台爲右軍循太行山破南方諸縣抵黃河大掠平陽太原之間朮赤哈薩兒等爲左軍大掠遼西地卽由永平府東至遼東錦州府之間成吉思爲中軍自率所部與也可諾延共征復直隸山東及黃河間地更引兵逼中都下金九十餘郡兩河山東數千里之民殺戮幾盡金帛子女牛馬羊畜皆席捲而去屋廬焚蕩城郭邱墟惟直隸之大名真定及山東青鄆以南地猶未降一二一四年四月遣使於金勸和金將高琪欲乘蒙古軍疲弊與之戰丞相完顏福興以都城空虛出兵爲非計請暫議和金帝納之以前王廢帝永濟之女及童男女五百馬三千金銀繒帛各萬匹贈蒙古軍成吉思退兵出居庸關北悉俘其衆

四

月 蒙古之勢力於是日盛矣

和議既成金帝以五月大赦遷都於汴

當時南京

左丞相徒單鎰言宜捨北方地不

聽以福興守中都

六月

成吉思在魚兒濼度夏聞遷都怒曰既和而遷是有疑心

不肯釋憾特以解和爲款我計復南侵遣撒兒只兀特人撒木哈巴圖魯兵及明安共率金兵會於中都志答部下之契丹兵亦圍之金援軍不至中都既陷公子等走南京木訶里攻下金北京及遼西州郡遼遺族耶律楚材亦來降

蒙古軍既陷中都吏民死者甚衆宮室爲亂兵所焚火月餘不滅金祖宗神像

及諸妃嬪皆淪沒焉更進襲南京自魚兒濼命撒木哈將兵一萬至陝西拔潼

關

河南府西西安府東

直衝南京撒木哈道過唐古忒取西安府

十一月

見潼關不易陷乃

入河南至汝州其地距南京只數里會金軍大來擊爲其所破退軍河南西境金帝見事危遣使於成吉思求和定約以割河北去帝號稱河南王自貶抑不許一二一六年撒木哈復入河南拔潼關下汝州以下諸州直至南京城外以

兵少不足圍乃退金不用御史臺言因高琪策專力防備汴京不恤州郡之殘破國勢益衰

第七章 木訶里之戰功

一二一四年八月木訶里奉命向遼東是時金軍復遼陽木訶里設計取之一

二一五年木訶里遂由遼西進攻金北京金守將伊木泌元帥率衆二十萬來拒三月兩軍相會於花道大破金軍伊木泌嬰守城內爲裨將完顏實埒高得王所殺衆推立烏庫哩伊都呼未幾舉城降木訶里大怒欲坑之簫額森諫曰北京爲遼西重鎮當撫摩以慰衆望今始降卽坑之恐後無肯降者遂以伊都呼權城守契丹將烏頁爾權兵馬帥府事而去

先是金將張鯨起錦州殺節度使自稱臨海郡王旋降於蒙古一二一五年受命以兵一萬由直隸進軍達北京東約五十五里之平涼州俄稱疾不進木訶

里命簫額森監之次爲所殺一二一六年一月鯨弟致聞兄遭害殺錦州守更下平灤瑞利義懿廣甯等州旋爲木訶里所復十二月進至錦州城固兵強木訶里見勢不易破欲分敵勢命烏頁爾急攻山間之溜石山堡彼果分兵來救別有蒙古布哈屯永德縣之西數里伺知其狀乃出而斷其後木訶里徹夜來會乘曉進擊殺其守將獲首虜號萬三千遂自開義縣進圍錦州賊屢出戰不利乃閉門後爲裨將高益所捕獻之木訶里遂自刎而死

一二一七年二月丁丑木訶里以佐命功封爲太師國王惟不世襲成吉思詔

曰太行以北朕自經略之太行之南卿勉焉木訶里乃以二萬三千之蒙古兵

汪古一萬翁吉刺一千兀魯兀四千伊乞刺思二千忙忽魯一千夫兀刺幹三千及札答闐二千及烏頁爾汗所率契丹金之

二軍團前進出中都南攻遂城及蠡州諸城皆下蠡之役簫額森中流矢卒以其子代是歲又齊

擊東方定臨淄登萊濰密等州而還翌年由西京擊雁門悉平襄晉高平上黨

等州

一二二〇年太原既為蒙古所有河北州郡皆不能自保八月金遣使者詣蒙

古求和欲呼蒙古為兄蒙古不允九月木訶里徇趙至滿城蒙古布哈將輕騎

三千出倒馬關保定府唐縣降其城禁剽掠釋所俘之老幼軍中肅然十二月遂入

濟南山東之降魏直隸大名府博山東東昌府治等郡逆擊金軍之來襲者進圍東平山東兗州

府東平州降金易水公靖安民之居寨翌年四月金東莒公燕寧死六月東平食盡

守將等帥眾趨邳州江南淮安府遂奪城斬首七千級

一二二二年八月金平陽公胡天作來降十一月木訶里取河中平陽府蒲州所過

之州縣皆下遂赴長安今之西安分遣兵斷潼關十二月取同州金節度使完顏誦

訛可死之翌年二月木訶里攻鳳翔陝西四十餘日不能下將北還軍於渭河

南遣蒙古布哈渡南牛嶺關徇宋鳳州而還金元帥右都監侯小叔襲河中破

之殺其降將石天應焚浮橋而退以天應之子幹可代領其衆

一二二二年四月蒙古太師國王自河中還死於解州臨終告其子弟曰我爲國家助成大業從事干戈垂四十年東征西討原無遺恨所恨者汴京未降耳汝等誌之言訖而薨木訶里以雄勇善謀名與博爾朮博爾忽赤老溫稱爲蒙古四傑後成吉思攻鳳翔對諸將歎曰木訶里若在朕必不至此可以知其功勳矣

第八章 成吉思之西征

第一節 西遼之滅亡

先是一二一六年春太祖還龍庭命速不台進征托克塔兄弟及其三子彼等時在阿爾泰山以托忽赤幹爲西征之前鋒率之以從破滅兒乞人於嶺河畔忽都及托克塔之二子皆死捕托克塔三子呼圖罕以其善射釋之成吉思命

殺之旋蔑兒乞附近之豁里禿馬惕人都刺莎合兒叛一二一七年遣博羅渾那顏往死於途中命乞兒吉思討之不應而叛又命朮赤討之踐克穆克穆赤烏特之冰而進未幾討平翌年成吉思四次征唐古忒王奔西遼是年高麗亦來降

自是近傍之諸部落皆討平乃定計西征初契丹爲金所滅天祥帝耶律延喜之一族曰耶律太石者於一一二三年率二百人潛入陝西之北西地此地亦爲遼之一部其人民喜彼爲阿保機之後

太石卽太祖阿保機八世孫也

迎而從之進向土而

基斯單假道於畏兀兒君俾里兀畏兀兒人迎之於境上以畜牧獻願稱臣大石更討平喀什噶爾押爾牽幹端諸邦臨土而基斯單境時其國爲第二十大君主哈克瑪哀丁之治世爲波斯古史上有名弗雷克畢斯之號先在土刺斯阿吉領內旋即略爲藩屬其鄰國貨勒自彌亦降服其第二代君幹吉思許年

入三千金媾和其國在大沙漠之錫爾河畔札必特西必利亞山間耶律大石以一一二五年取古魯汗號定都於虎思斡耳朵奉佛教爲國教崇尚文治國力充實將與金戰以一一三六年沒是西遼之德宗稱天祐帝

德宗之幼子耶律伊列於一一五五年沒其妹奉天太后普速完以耶律伊列之子天禧帝幼攝政一一六七年天禧帝卽位乃蠻最後之王古出魯克來奔時國勢方盛帝以公主妻焉後帝威不振畏兀兒王土刺思斡吉刺及貨勒自彌汗皆叛古出魯克以皇軍與其父兵合頗有勢請於天禧帝將往葉密爾海押立別失八里集乃蠻餘孽以相衛並爲帝發誓天禧帝大喜厚贖之與古出魯克古魯汗號彼合乃蠻餘孽及蔑兒乞之一部並因黑契丹之糧勢頗强大惟欲篡西遼帝位尙須同盟未幾乃約西遼屬邦之貨勒自彌及波斯之蘇爾灘謨罕黑德並撒馬爾干

又稱尋思干

與土刺思斡吉刺之君謬斯滿夾擊西遼而

分擾其西方時西遼之軍早向撒馬兒干降諤斯滿謨罕默德將援之不及古
出魯克利其遠隔取虎思斡耳朵古魯汗之倉庫因西遼來討古出魯克不能
抗破於真布札河畔謨罕默德是時與鄂斯滿已入西遼其將塔尼古率軍遇
於答刺速附近與戰被捕其敗餘之軍退還自剽掠其國虎思斡耳朵之民思
屬於蘇爾灘而向帝閉其城門待蘇爾灘來救被圍十六日死者至四萬七千
旋城陷其時遼財政大紊遼臣麥摩德海富於貲恐奪其財勸節軍費以償古
出魯克之所奪軍隊怒遂叛古出魯克襲帝捕之至是西遼稱帝四世歷八十
八年餘而亡實謨罕默德教之黑蚩拉曆六〇八年卽天主教曆之一二一一
至一二二二年間也

古出魯克受西遼之禪卽帝位阿魯曼古汗將服阿沙刺遂殺之喀什噶爾斡
端之民亦不肯從因古兒汗先囚喀什噶爾汗之子古出魯克不爲放還爲國

人所虐殺以故懷怨相叛古出魯克遣兵討之逾二三年國人力絀遂來降乃
蠻夙奉天主教古出魯克信其夫人西遼公主之言許佛教之流布力禁謨罕
默德教乃蠻長阿拉哀丁謨罕默德不附古出魯克熱心保護謨罕默德教公
主遂怒詈古出魯克並詈謨罕默德教主令處以磔刑以後古出魯克亦甚惡
謨罕默德教虐殺甚衆成吉思聞古出魯克在位不喜黑蚩拉六一五年一七
一二遣哲別以二萬兵進征將至其境古出魯克逃於喀什噶爾哲別遂入許
一八人民以信教自由皆大喜爭殺古出魯克之兵而迎蒙古軍蒙古軍追古出魯
克至巴惕克薛今巴達捕之刎其首以報成吉思誠哲別勿驕蓋汪罕太陽汗
古出魯克三人者其致敗皆驕爲之也

成吉思既領西遼之故地及喀什噶爾押爾牽幹端等諭令從事於農工商實
業不奉謨罕默德教以塔魯塔里之產物與中國或印度之產物交易國勢日

上故成吉思西方所領與蘇爾灘謨罕默德之國境相錯

第二節 貨勒自彌之形勢

起塞爾柱克突厥帝國敗餘之地併多數之帝國而爲一帝國者是謂貨勒自彌其領域之大東自錫爾河西及於波斯灣南自印度河北至義拉克阿鄭烏兒巴赤其名見於紀元前爲鹹海西南裏海東阿母河下流一帶地方之總稱也貨勒自彌在波斯語義卽低平之地中國唐書西域傳曰貨利習彌國卽元奘西域記之貨利習彌迦也

貨勒自彌沙之世系其先爲魯斯忒吉與塞而柱克突厥最後爲蘇爾灘蔑里克沙一〇七三之僕未幾脫其籍爲平民甚見信用累進爲貨勒自彌縣之知

事魯斯忒吉之古忒拔丁謨罕默德嗣始得貨勒自彌沙之號此號爲此地未被撒納克征服以前之君主所有未幾謨罕默德子幹吉思叛蔑里克沙之

子奚斤牙爾入貢西遼一一五七年奚斤牙爾死幹吉思子伊魯阿思刺起於

貨勒自彌西部其子塔克黠叛塞而柱克酋蘇爾灘托開兒取義拉克阿鄭受

命於哈里發那昔爾領有之於是伊拉帝國離塞而柱克而歸貨勒自彌突厥

一二〇〇年塔克黠子阿納丁謨罕默德即位略班勒紇又曰班里或曰班城也里兩地

遂為呼拉商之主未幾馬三德蘭及古魯姆亦來奉正朔時謨罕默德入貢西

遼以圖自保謨斯滿為古魯汗之臣與西遼之知事不和約謨罕默德叛去適

西遼遣使來促貢謨罕默德以征服欽察欽察元史曰乞卜察兀俄羅斯人曰婆羅布奇東羅馬曰古曼其部族居

烏拉山西裏海黑海之北方一帶甚有驕色見使者威儀尊大不悅遂率兵入西遼軍敗被囚

西遼主將降之為奴隸以利略之始得歸謨罕默德之敗也國人傳其已死其

弟阿納伊希自立於塔卑利斯坦哈納忒之知事哀俄密克亦圖自立

翌年即一二〇九年謨罕默德之臣撒馬兒干蘇爾灘再侵西遼自錫爾至拂

郎開特敵將塔尼古率兵來會大勝次掠土而基之一部置知事於阿斯丹捷報至貨勒自彌國人以對於異教徒獲戰勝大喜於是蘇爾灘勢力漸厚近鄰諸邦亦來賀稱第二阿拉撒帖魯謨罕默德自號奚斤牙爾蓋祈盛如塞爾柱克王室之意也

謨罕默德既定都於貨勒自彌以其女妻謬斯滿廢西遼在撒馬爾干之官置貨勒自彌知事謬斯滿與知事不相能遂有叛志殺其知事下古魯汗一二一

○年謨罕默德聞報大怒直向撒馬兒干殺戮三晝夜謬斯滿逸去圍其市城陷之謬斯滿出城來降悉殺其一族謨罕默德遂併有撒馬兒干與土刺思阿

吉

是役謬斯滿從舊俗表請死之意以刃加頸出降謨罕默德將不許因謬斯滿先娶西遼王女謨罕默德女失寵至是與遼女同求殺之謨罕默德遂如

其請

當時謨罕默德國之東南有古烏魯國古烏魯第四世君希布拉丁與謨罕默

德戰後病沒其姪馬阿曼陀嗣位僅保有印度河西地入貢於貨勒自彌蘇爾
灘在位七年至一二一三三年之交爲其下所害謨罕默德弟阿納伊希與其
兄有隙避於馬阿曼陀之舊居布魯只兀自立爲古烏魯王求其兄承認謨罕
默德乃遣使送冠服使爲哀思
吉圖魯阿納伊希出迎將拜受乘間殺之古烏魯地遂
全併貨勒自彌時一二一五六年間也於是貨勒自彌蘇爾灘之領地東北至
錫爾河東南至印度河北至鹹海裏海西北至阿特耳佩占西鄰報達南濱印
度洋殆領有中亞細亞之全部國勢大盛

一二一五六年之交攻古烏魯之屬地嘎自尼

在巴達克山西南印度西即
魏書西域傳之伽色尼國也其

守將爲突厥人卽希布拉丁之臣乘古烏魯帝國敗亡之際叛去至是破之謨
罕默德入城中至紀錄局檢其舊藏之文卷得哈里發那昔爾欲連合西遼進
討貨勒自彌之實狀蓋希布拉丁之搆兵實哈里發啓之也謨罕默德遂益與

哈里發不相能哈里發那昔爾自一一八〇年以來君臨報達卽講禦貨勒自彌之策時繼教祖謨罕默德者有世俗權自塞而柱克突厥興其境域漸狹僅有伊拉克列姆與費而斯其餘爲阿刺伯波斯土而基諸王所有黑蚩闌曆之

第三世紀

卽古魯斯坦曆第十世紀頃

以來波斯歷有塔卑魯撒夫阿魯撒馬兒賽布而吉

塞而柱克諸朝名爲阿拔斯朝所屬然不能行其實權始惟求伊葉斯土魯許其人民奉謨罕默德教爲王朝之正統君主當阿拔斯朝並承認謨罕默德教徒之主權於祈禱時唱其名貨幣上亦記其名故至塞而柱克朝時

在十一世紀哈

里發之主權並不能行於報達之首府而塞而柱克朝之義拉克阿鄭人心亦渙散最後迄托開兒朝那昔爾百計加擾於其領內加與貨勒自彌之塔克黠結卒滅之將領義拉克阿鄭塔克黠不許於是哈里發大恐防之愈密及塔克黠立那昔爾乃以利昭古烏魯蘇爾灘赤顏拖丁約攻貨勒自彌赤顏拖丁既

有巴魯古哈那朵欲得貨勒自彌殘部遂應諾旋卒不果其兄弟繼立至希布
拉丁乃襲貨勒自彌在也帖火朵媁和謨罕默德在嘎自尼知此戰出哈里發
意將報之以有力於塞而謨克之役強與親欲哈里發如塞而柱克對阿拔斯
朝故事遣官蒞治以己名增於報達公衆祈禱中認己爲蘇爾灘乃遣哈赤阿
曼至報達傳命哈里發以國力尙足不欲示弱斥其所請且令返其故有領土
謨罕默德大怒知阿拔斯朝人民均以哈里發所舉爲不正乃要求謨罕默德
僧之證權向法學博士曰凡神教宏布其反對此信仰之徒若係與其所盡力
之君主或教主不相善則教主得退位更以他教主相代蓋以費撒伊之子孫
爲教祖之繼嗣有當然者今自阿拔斯家篡奪以來不勉力擴張其教與其境
域宜於僧會中由不突兀宣告廢立情形爰令忒耳迷三音烏爾昧宣言以阿

里謨罕默德女
被兒箕之夫

後裔爲哈里發於祈禱時除納昔爾名其計果行蓋從來阿里

之信者以費撒伊子孫爲哈里發今既閱六百年見其家復興皆喜人心漸歸

於謨罕默德謨罕默德將踐對於納昔爾之宣言乃進攻義拉克阿鄭擒哈里

發所轄佛兒斯之部主撒突

自一四八八年之撒魯克魯朝第五代主起

彼請割地輸賦乃釋其哈

里發所轄之阿特耳佩乞部主刺海古

一六〇年是地爲伊魯吉思第五代主所領

敗走將追之蘇

爾灘以一年得二將不吉而止後刺古來朝獻物

一二一七八年之交

義拉克阿鄭既降遂遣使者賽顏巴丁赤魯斤向報達乞和將至海馬丹蘇爾

灘營蘇爾灘既受使命乃罵曰哈里發無教主之資我入報達實代納昔爾更

擇一善者爲教主蓋阿拔斯家之亡實其自取也使者申辨蘇爾灘不聽乃歸

納昔爾謹爲設備而心實希和好也蘇爾灘時在伊拉克列姆海馬丹掠其近

地其勢愈盛以一萬五千之前營進伊拉魯瓦中軍以下皆從時值初秋雨雪

大至在葉賽拖阿速巴山中人馬死傷頗多又爲突厥種曲兒忒人所襲被害

者不少此山阿拔斯家往往於其下祈冥福焉

謨罕默德平義拉克阿鄭後將其所領分與諸子其長子魯古謨丁古兒赤領義拉克阿鄭二子赤朵丁吉雅幹領乞兒彎克奚及謨古納三子札刺勒丁謨忒卑兒吉領嘎自尼巴們阿古烏魯及婆斯拖自爲家督以其幼子兀者納古沙領貨勒自彌呼拉商及馬三德蘭謨罕默德既有此大領土於是統一各部之宗教其與此相抗之賽古忒教徒紛爭亦息謨罕默德之兵制全紹述教祖謨罕默德軍隊中主爲突克蠻及康里兩部之民蘇爾灘之母土克巴勒又爲康里酋勤克奚之女勤克奚爲康里巴牙忒族屬之大族此族爲蘇爾灘部下之主要軍隊因之蘇爾灘之母最有勢力蘇爾灘與之不和

此皆貨勒自彌未被蒙古進征以前之情形也至義拉克阿鄭平後蒙古於貨勒自彌之交涉卽起

第三節 西域之交涉

貨勒自彌蘇爾灘謨罕默德既定義拉克阿鄭而歸乃沙不耳經數周日至婆哈魯成吉思汗卽遣使來使者三人一爲貨勒自彌人麻阿謨忒一爲婆哈魯人阿里火义一爲訛脫刺兒人耶太甫皆爲蘇爾灘之臣奉謨罕默德教先呈亞細亞之貴重產物數品再述使命致詞維謹曰僕聞貴下之勢力與貴領之廣大若能常與親好僕之所大希望者自今以後余愛貴下其如子也至僕之攻略中國服屬突厥族諸部落其事必早爲貴下所聞然僕旣富且強若更窺兵於他地其勢自易今所最希望者在兩國之通商耳語云父子者爲當時亞細亞諸國交際之常例較之稱臣更爲恭順也且與伯叔等有別謨罕默德旣受使節乃夜召使者一人麻阿謨忒於室使者許質成吉思之子與貴重之寶石以誘惑之謨罕默德問成吉思征大賀氏然否

西域稱中國
曰大賀氏

彼言實有之謨

罕默德曰其然乎但朕之國境廣袤汝等所習知誰能以子稱朕蒙古之兵果有若干辭色俱厲麻阿謨忒見蘇爾灘有怒色遂詐言蒙古軍之不足於是顏始霽乃許締好

是時成吉思汗既征塔魯塔里之漂泊人種思懷遠人謨罕默德既平西遼其領地達土而基斯單之中樞與畏兀兒

即蒙古之藩屬

接境其未下者僅有古出魯克

喀什噶爾哈丹牙爾克忒時其領內之謨罕默德教徒二人持絹及綿謁成吉思汗因懸價過昂成吉思怒罵曰汝輩以我未見此種之布帛乎命藏之彼等將歸成吉思之諸公諾延及各將帥等欲購求貨勒自彌境內之貴重產物隨行者多至四百五十人

其數諸書多異說

謨罕默德教徒與諸商隊達西母河之訛脫

刺兒其知事扣留之即告謨罕默德云係蒙古之間諜命悉殺之成吉思汗大憤躬至山上祈禱神佑經三晝夜誓爲此等不幸之民復仇而懲罰此暴虐之

君主西遊錄曰苦蓋西北五百里有訛打刺城其附庸城十數城中渠酋常殺命吏數人商賈百數盡掠其財貨西伐之舉所由起也卽指此事遂定議西征惟此時古出魯克尙未服不能徑行西舉於是先遣突厥人巴古雷爲使者副以蒙古人二名詣謨罕默德曰先約和親今害我良民此事若不出蘇爾灘之意則請將訛脫刺兒之知事自加誅戮否則速整軍相見於鋒刃之下蘇爾灘不悅殺巴古雷及蒙古之使者大討軍實集兵於撒馬兒干以待敵

時蒙古軍討古出魯克及蔑兒乞歸與蘇爾灘之兵遇蒙古一將

或云
尤赤

致詞曰

兩國今未交戰成吉思汗决不害貨勒自彌人之命請贈以戰利品之一部謨罕默德見敵勢寡欲乘之答曰成吉思汗命汝等勿戰然神明命予討汝等予以神助當得勝利蒙古軍於是應戰先却敵之左翼卽衝中軍以擊謨罕默德謨罕默德以札刺勒丁來援得免蒙古軍遂燃松明

火把也

急退至翌曉卽離二

日程謨罕默德至是大畏蒙古軍既歸厚賞將士以爲後圖

第四節 成吉思汗之親征

蒙古軍既平定古出魯克於一二一八年大集諸子各將開庫里爾泰會議決西域進征之事並定軍中章程乃擬通金山西之險路以進軍軍備既整一二一八年冬成吉思乃自將兵進征令其弟帖木耳赤古留守以整騎乘翌年屯也兒的石河秋向西域畏兀兒王巴而朮及阿力麻里王柯耳魯王等皆以兵來會軍勢大振

蒙古軍踰金山

即阿爾泰山

西行觀西遊錄所載明年

乙卯

大舉西伐道過金山時

方盛夏雪凝冰積劉冰爲道云云即知惟所越爲金山之何岨

岨山之巔腹也

記錄

無確證如左所列之三道蒙古軍踰山時必居其一也

(第一)科布多布兒特科二處中之捷徑凡自東經九十二度北緯四十八

度向東經八十七度北緯四十六度之途惟騎者能通過至通科布多西北之帖列赤一〇五〇〇里及哇兒克齊九七一〇里之峽路則爲也兒的石支流喀喇河之源

(第二)烏拉塔拔之峠路 自科布多出布兒特科不如此路之捷徑係取道科布多之南而入是峠度金山沿布兒古河而下更沿烏魯古倫河進近河口則爲烏魯古倫湖畔之布兒特科雖比前者之通行爲易然猶覺其困難也

(第三)塔必斯忒八之峠路 在第二路之東南踰金山卽至此爲由科布多至庫昔之途

由布兒特科得達

年內可通雖無車騎通行不難

以上三路相較惟第三路最便或者當日從此路通行未可知也

金山以西路之開通觀耶律楚材湛然居士集卷二過陰山和人題云陰山

千里橫東西秋聲浩浩明秋溪猿猱鴻鵠不能過天兵百萬馳霜蹄萬頃松
風落松子鬱鬱蒼蒼映流水六丁何事誇神威天台羅浮移到此雲霞掩翳
山重重峯巒突兀何雄雄古來天險阻西域人煙不與中原通細路縈紆斜
復直山角摩天不盈尺溪風蕭蕭溪水寒花落空山人影寂四十八橋橫雁
行勝遊奇觀眞非常臨高俯視千萬仞令人凜凜生恐惶百里鏡湖山頂上
旦暮雲煙浮氣象山南山北多幽絕幾派飛泉練千丈大河西注波無窮千
溪萬壑皆會同君成綺語壯奇誕造物縮手神無功山高四更纔吐月八月
山峯半埋雪遙思山外屯邊兵西衣冷徹征衣鐵則可證明也長春眞人西
遊記上卷左右峯巒峭拔松樅陰森高踰百尺自巔及麓何啻萬株衆流入
峽奔騰洶湧曲折彎環可六七十里二太子扈從西征始鑿石理道刊木爲
四十八橋橋可並車云云係述由撒刺母湖邊至阿力麻里進征之况又長

春真人自金山至此以詩紀行云金山東畔陰山西千巖萬壑橫深溪溪邊

亂石當道臥古今不許通輪蹄前年軍興二太子修道架橋徹溪水

三太子
修金山

二太子
修陰山

今年吾道欲西行車馬喧闐復經此銀山鐵壁千萬重爭頭競角誇

清雄日出下觀滄海近月明上與天河通參天松如筆管直森森動有百餘
尺萬株相倚鬱蒼蒼一鳥不鳴空寂寂羊腸孟門壓大行比斯大路猶尋常
雙車上下苦敦擲百騎前後多驚惶天池海在山頭上百里鏡空含萬象縣
車束馬西下山四十八橋低萬丈河南海北山無窮千變萬化規模同未若
茲山太奇絕磊落峭拔如神功我來時當八月半山已上皆爲雪山前草
木暖和春山後衣衾冷如鐵則當時架設橋梁開鑿峽路之情形可知而天
山之風景亦不難推測也

謨罕默德聞大軍至大懼時成吉思汗兵號四萬精銳無匹貨勒自彌軍皆無

訓練紀律蕩然且謨罕默德不諳是處地理庸懦寡斷自上王位後彼以身親百戰散布其軍於土刺斯幹吉及本部各都邑支離渙泮調集頗難用滋懼也或云彼自恃軍衆或云彼迷信天文學者之說不出師更據史家論云成吉思汗用詭計使謨罕默德疑其諸將不復信用故有貨勒自彌退職將校訛脫刺兒人卑忒丁者因其父及叔父並他親族等爲謨罕默德所殺來附於蒙古是時謨罕默德與其母因爭權不和卑忒丁乃說成吉思汗假謨罕默德母土克巴勒親屬之一將校名僞製一書若致成吉思汗者使彼見之其辭曰我等率族衆之初自土而基斯單來投蘇爾灘謨罕默德也對之意甚誠彼厲兵躍馬征討各地時我等多爲效力然彼今對於其母土克巴勒不孝其母欲報之故我等甚盼貴軍來臨願服屬於其下成吉思汗大嘉其策用之謨罕默德果致疑於諸將蓋謨罕默德實未料蒙古軍進征之神速故一切防禦皆疏

先是成吉思汗率大軍六十萬踰金山經沙漠攀陰山過撒刺母湖畔婆羅塔雷河谷間之不刺城經阿力麻里渡亦列河越札那河畔西遼之故都虎思窩魯朵及塔刺思河附近之塔刺思城並錫爾河畔之苦蓋城而達西北之訛脫刺兒城

成吉思汗至是議征土刺斯幹吉此地謨罕默德教徒稱之爲麻里幹刺兒猶言河外之地也在阿母河岸亦傍錫爾河西有沙漠爲貨勒自彌界向爲突厥種人息居自八世紀初以來爲謨罕默德教徒所有人民皆奉其教以是波斯阿刺伯之民多移居焉至蒙古軍進征時其地尙稱繁盛

成吉思汗先分其軍爲四第一軍令察合台及窩闊台統之向訛脫刺兒城以第二軍爲右翼向氈的朮赤統之第三軍爲左翼向俾魯克坦阿刺黑速客圖及托海統之自率中軍向蒲華當謨罕默德絕土刺斯幹吉之連絡以妨他城

之援

(一) 第一軍之進行 第一軍直薄訛脫刺兒前殺蒙古商隊之知事哈伊兒汗與蘇灘遣援之將哈拉札汗共防守兵號數萬被圍至五月守者與城民勇氣盡喪哈拉札汗擬出降哈伊兒汗不可並告以宜盡忠於君哈拉札汗乃乘夜率部下兵出城脫走至途爲蒙古所獲請降以其不忠於主先問城中之情形而後將其所引率者共殺之蒙古兵旣入訛脫刺兒驅城民悉斬之於野城主哈伊兒汗率親兵三萬據城內寨守禦月餘及堡壘旣陷死亡殆盡猶屋上投瓦石防戰頗力蒙古軍下生擒之命遂捕而致之於成吉思汗時成吉思汗在撒馬兒干命以刀貫耳與目然後殺之以報彼殺商隊之仇城旣陷城中之民免殺戮者皆率之於婆火刺

(二) 第二軍之進行 第二軍將朮赤向鄭忒駐軍於錫爾河畔之撒格納克

城附近先遣謨罕默德教徒忽遜哈赤

或云在成吉思汗
下久效力之商人

令其諭城民出降彼

果傳其令城民大憤呼神之名殺之朮赤乃令進攻至屠城而止前隊疲勞以
後隊替進如是攻者七日城遂陷蒙古兵入城中屠戮無算令忽遜哈赤之子
守其地更進而陷奧斯懇八兒真及遏失那斯等城將近鄭忒城下守將庫特
魯克汗乘夜先遁過錫爾河經沙漠將往庫勒克斥朮赤遣成帖木兒至鄭忒
城諭降市民以失守騷擾甚見成帖木兒大怒將殺之成帖木兒告以撒格納
克之慘狀並告以蒙古兵不入城之約乃放還未幾蒙古兵薄城下城內之民
恃其城壁高不復措意蒙古兵乃樹雲梯攀城而上遂攻入不能防悉驅民出
城外殺前之以言抗成帖木兒者餘皆釋之蒙古兵入城大行掠奪九日之間
市民悉宿於野朮赤受父命奉使於謨罕默德以婆火刺人阿里火者守其城
別遣兵攻錫爾河畔養吉干城此時朮赤許在部下畏兀兒兵一萬歸國以游

牧種之突克蠻兵一萬代之令台納爾統其衆進向貨勒自彌途中兵變殺其部將於是台納爾平定其衆蔑兒里阿母吾伊兩城之侵畧遂緩

(三)第三軍之進行 此軍以阿刺黑速客圖托海爲統帥僅五千騎至土而基哈里之寨攻圍三日請降約其不殺後惟戮其工匠驅其軍隊中壯丁可爲攻城之用者率之以去遂向忽氈有猛將帖木兒蔑里克守城聞蒙古兵至乃退至錫爾河中之一島上保其堅寨兩岸之矢石不能達是時攻圍訛脫刺兒及征服他地之軍士均來集以二萬之蒙古兵並得五萬之援兵乃分爲百十等之諸小部分隸於諸將住其附近之山上搬石投於河中以便進攻帖木兒蔑里克造穹狀之船十二艘以醋塗氈令溼再施以泥使覆於船上以禦火箭每日發船六隻投矢石於蒙古軍蒙古軍因之屢受其害帖木兒亦不能支乃以松明飾敵眼自其下流引去朮赤於錫爾河兩岸忽氈附近設船橋於河上

以兵拒之帖木兒聞急乘馬走蒙古兵追躡其後彼因載輜重乃止進與鏖戰會蒙古兵來者三人僅有三矢而一矢尖端不銳乃用一矢中一兵之目逸去達貨勒自彌會札刺勒丁死從屬皆畔

(四)本軍之進行 成吉思汗與其二子取婆火刺至賽兒奴克市附近其市民咸入城內乃遣丹尼世們諭曰我爲木速蠻

謨罕默德教徒

之子受成吉思汗命來

救汝等一城之生民今大軍若來汝等萬不可抵抗否則卽俄頃壞汝之城覆汝之家以汝等之血濡汝等之郊野汝等能降則身家皆得保全市民大感動舉一人詣成吉思汗成吉思汗以其頭目不來令人探之及入城傳令免殺戮但驅其壯丁爲婆火魯攻城之用他皆放還惟行掠奪又募熟諳沙漠路徑之突克蠻人爲鄉導入奴爾縣以先鋒塔兒把禿兒入城爲勸降使市民始躊躇迨往復數次乃開城納降塔兒又赴他地城民使一人詣成吉思汗前成吉思

汗令其將速不台入努爾招撫之速不台至下安民之令命去其挾持退出城外然後入城行掠奪成吉思汗至城問城主每歲輸稅額若干答以一千五百的那令如數完納與先鋒軍乃以婦女之耳飾補其額之半一二二〇年成吉思汗軍至婆火刺城城守兵二萬蒙古軍蔽野而陣進攻數日城將防禦之計窮乃乘夜率衆逃亡蒙古兵知之尾擊其後諸軍多遁去其將僅以身免蒙古兵更追至錫爾河全軍盡散翌日婆火刺城內伊瑪姆及貴族來詣成吉思汗求和成吉思汗乃乘馬入城過大謨斯古

謨罕默德
教之拜堂

前以爲蘇爾灘之王宮市

人告曰此神廟也彼遂登祭壇上大呼曰野鮮青草我等秣馬遂徵市中商店之穀物以爲馬糧取充可蘭

謨罕默德
教之經文

之筐爲馬槽出摩斯兒之聖書令馬蹄

蹂躪其上蒙古人皆酌酒集市中之歌者大唱國歌盡歡而罷逾時成吉思汗出於其人民會同祈禱之日大集其衆登壇諭曰誰爲此羣中之最富者聞此

二百八十人中有九十人爲他國人試語汝等以西征之緣起汝等既蒙過失其首長等罪尤重我今特來問罪且得天之冥助欲汝等富戶出其窖藏以犒軍士時貨勒自彌尙有四千騎兵在城內寨中蒙古兵攻之婆火刺有令持武器者處以死刑乃築堤於寨外以禦弩矢蒙古兵自是侵入盡殺戮之不遺一人內寨既陷將城民之未傅衣者悉驅出城蒙古兵入城肆行殘奪史家哀布兒丁記曰是日也爲夫婦子女及其親類永久相分之日人間之慘苦備至矣

蠻人

指蒙古人

在彼等之前辱其婦女彼等不能抗惟以淚相對往往有不忍目擊

而死者彼哈赤卑忒丁伊瑪姆羅古丁及他之子亦緣此奮鬪而死蒙古人得富人隱匿財產之處焚之市中木造之室宇皆盡存者惟煉瓦及謨斯古而已皆指此役之實狀也

(五)撒馬兒干之陷落

成吉思汗既侵婆火刺卽啓行經五日至撒馬兒干

當時園圍充塞至鎖骨都谷遣兵圍沿道之鐵波烏士及賽魯低兒堡寨途中
殺婆火刺率來之疲弱者餘則令充兵役至撒馬兒干蘇爾灘守城之兵一萬
四千

或云十
一萬

概爲突厥及波斯人多以良將馭之防禦甚力不能遽下成吉思

汗乃別掠其附近地時土刺斯斡吉之北方既定分遣軍來會皆率有捕虜備
充軍役於第一日先遣騎兵前進其步兵及捕虜於翌日至城下每十人爲一
隊皆以旗相接續城兵見之大懼成吉思汗於最初之二日檢察其地勢至第
三日晨前進城內之勇士皆逸去貨勒自彌之援兵亦未至城中兵不得已進
戰蒙古兵先佯退以誘之然後襲擊城兵之勇氣大沮喪中惟哈母哈里以爲
已係突厥種與蒙古同族欲出降成吉思汗知其意亦示約若果來降必當錄
用彼等遂攜家族挈貨財出城降第四日又將下攻擊之命城內之哈特木烏
乞及博士等至成吉思汗營訂條件然後開城降時四月一日也然城民不肯

退乃下令曰不去者有死刑民始退蒙古兵入城內殺其隱匿者掠奪其財貨是夜突厥人之將阿勒巴爾汗以一千兵自城中寨出將衝過蒙古營與蘇爾灘軍合至曉始空其夕蒙古軍入寨內城內之勇士入謨斯古中奮戰放火時哈母哈里之兵與波斯軍皆無馬與武器散處於郊野翌夜城兵三萬及其長巴力世瑪思汗托海汗薩兒賽特汗烏拉克汗並他將皆被殺戮掠其家族及馬與貨財而去內有技巧者三萬成吉思汗分其子婦於將校等令彼等服役軍隊他之捕虜五萬人以金二十萬贖其身而歸旋於錫爾河岸置撒馬兒干傭兵之一部餘皆致於貨勒自彌至是撒馬兒干荒廢行人絕跡所餘者野有戰象二十餘頭覓食而已

(六)哲別速不台二將之進行

謨罕默德最後之戰

成吉思汗在撒馬兒干遣兵十二

隊向謨罕默德哲別統一軍自伊塞烏朵出速不台統他軍自烏里雅克台出

命直向蘇爾灘諭曰敵勢若勝我則須待本軍繼至反之謨罕默德若退走則勿窮追途中遇城寨降者納之抗者屠之諭畢乃進軍

先是蒙古兵掠土刺斯幹吉時謨罕默德不敢出敵行至那黑沙不乃逃於撒馬兒干所過之民皆以不能救護告令自守乃會諸將議防禦之策皆不能決有一將頗富智略說曰今既不能救土刺斯幹吉須謀保呼拉商及義拉克阿鄭宜集諸方兵士舉一木速兒蠻守阿母河境又一將曰兵雖宜集然蒙古人既至則須退守噤自尼若實不能防則逃於印度謨罕默德乃取後說過噤自尼至班城與阿馬土魯古會於也吉路以前計決之時蘇爾灘之子羅古丁守義拉克阿鄭見父之危急已不能與策安全實於名義有乖心甚偏仄並恐其途中遭害阿馬土魯知其意乃勸蘇爾灘適義拉克羅古丁繼至請兵食以禦蠻人蘇爾灘長子札刺勒丁進言蒙古兵須遏之於阿母河請蘇爾灘向義

拉克自將兵以當敵更言若今去此地則人民等必將曰我輩平日輸君租稅蓋爲當危急之時以圖庇保也今時勢既迫我君乃令我等任蠻民之蹂躪君將何辭以對蘇爾灘不從其言斥其年少好事謂成敗聽之天運而已

蘇爾灘將發班城也欲遣一隊哨兵至帖里麻撒馬兒干間之必斥雅布以察敵情既聞婆火刺陷又聞撒馬兒干陷於是遂向義拉克軍中之突厥兵爲土克巴勒之族欲謀殺蘇爾灘蘇爾灘知之夜移幕營而處翌朝見幕營有箭簇疑心遂滋

是年四月十八日蘇爾灘將奔乃沙不耳時蒙古軍未逾阿母河至五月十二日聞蒙古兵在呼拉商蘇爾灘乃僞號出獵脫走於乃沙不耳自義拉克門出從者數人城中爲之大譁

蒙古二將至烹綽布阿近渡阿母河橋船皆乏乃伐木枝作一種革文庫被以

牛皮中藏食料兵器繫於馬尾洒水而過既渡二將乃分道急入呼拉商此地大而且富分四郡曰馬魯曰乃沙不耳曰也里曰班城二將先下班城置守閉遮耶門而後行城民在城壁上投以瓦石以害蒙軍次向乃沙不耳詢知蘇爾灘之蹤跡先遣諭降使往告以拒成吉思汗之大軍必有大禍於是分遣諸兵勸降各城置蒙古司令官其不易降者則後進蓋此專爲討蘇爾灘而來也蘇爾灘既去乃沙不耳之主權歸於耶幾魯哈札木夫乞新任之知事西列布丁將至途中病死恐人心搖動乃秘喪僞稱耶幾魯三人出迎以其貨財入乃沙不耳城內新知事之從兵散亂奔向蘇爾灘翌日蒙古之前鋒至距乃沙不耳數里五月二十四日將開乃沙不耳之門不服令一隊攻之不勝至六月五日召三人至三人奉使節饋糧來哲別示以成吉思汗之諭爲畏吾兒文字曰天已與我東西之大領土降者安之不降者殺無赦若不恃城高而以食與蒙古

兵則可保無虞也

蒙古兵之二軍在途中掠奪亂暴尾蘇爾灘而行速不台陷喀布珊徒思伊斯法楞塔沒罕西母赤等城越庫烏木思入義拉克阿鄭是地阿刺伯人謂之札哈阿兒卽言山間國也與呼拉商木兒思及克魯蠻以沙漠爲界國內山脈縱橫其最高者積雪不斷哲別自別道取馬三德蘭至來因城與速不台軍合殺其市中之人民殆盡

蘇爾灘去乃沙不耳入可疾云城內有義拉克兵三萬歸其子羅古丁領率乃會諸將議防禦之策其中奴爾君者路阿布曰蘇爾灘不可猶豫若於奴爾木兒思間之山地集奴爾西耶烏兒木兒思西巴客思諸地之兵爲防禦尙可決一勝戰以大復兵氣蓋彼之意謂當時敵若來鄰國木兒思君必來援卽乘間害之也蘇爾灘知之不從旋在義拉克欲增兵聞來因派陷其部下多散去乃

與其子共入加兒母寨途中誤認其兵士爲敵墜馬幸未傷遂入寨居一日適報達後蒙古兵來攻見蘇爾灘旣去追之蘇爾灘在途聞變遁走蒙古軍怒殺其部從者而退

蘇爾灘乃改至斯路斥哈寨此寨在可疾云西北數里之高山上居七日越吉刺入馬三德蘭時從者多亡僅以一身而行蒙古兵旋亦入其首都阿莫里卽阿思爹巴忒商業市也謨罕默德因馬三德蘭長哀密耳來朝問宜以何處避蒙古爲得計哀密耳答以裏海中島謨罕默德從之入島數日連沙記之曰謨罕默德在此間日參詣摩新古讀聖經至淚下祈禱神佑以恢復其領土保持其主權未幾蒙古兵至時軍中有馬三德蘭人克不丁憂及一小部長羅古丁者彼之伯姪多爲蘇爾灘所害欲刺之謨罕默德急乘小舸而去矢下如雨蒙古之騎兵追之溺死海中者無數謨罕默德轉入卑刺沙克島中沿岸之民皆

奉糧而至謨罕默德嘉其忠知時益不可爲以其第二子鄂斯拉克沙嗣旋復

立其長子札刺勒丁數日後遂死於島中

裏海中三小島與阿卑斯克相對至死於何島不詳

謨罕默德

之爲人毀譽無定蒙古史家評之爲優柔不斷之主云

謨罕默德死後彼三子由巴兒呼海灣內至芒格世拉克入貨勒自彌其地人民皆歡迎之兵來集者七萬鄂斯拉克讓位於札刺勒丁及亂起札刺勒丁於一二二一年二月十日取道呼拉商行十六日經貨勒自彌呼拉商間之沙漠避入納商

時成吉思汗出撒馬兒干駐軍拉克沙奔至一二二〇年秋高馬肥兵氣大振始進軍謨罕默德之子亦至貨勒自彌其城內兵衆頗多乃定策以朮赤察合台窩闊台率兵並進命呼拉商之兵張哨線於漠南捕貨勒自彌之逃亡者以騎兵七百爲一哨札刺勒丁旣在納商勇戰苦鬪不勝逃於乃沙不耳於是木

速兒蠻兵始歸入蒙古矣

札刺勒丁出奔後三日聞蒙古兵既入貨勒自彌將入呼拉商已達納商之附近巴列底爾及蒙古兵來攻堡內之人悉出而禦敵二皇子欲乘間逃逸蒙古兵伺察甚密知其出城追之抵也奚又朵小村二皇子與之奮戰懼不能敵未幾蒙古之游軍又從他道至遂殺二皇子以其首貫於槍頭其時也奚又朵村民多敗死蒙古軍奪掠其財寶札刺勒丁此時脫走自海拉脫東南遁入嘎自尼

(七)貨勒自彌之平定 朮赤等率兵攻貨勒自彌之都烏爾韃赤及其附近地此市跨阿母河兩岸爲大都會謨罕默德之三子出奔後無人爲主上下渙散以突厥將忽馬爾與蘇爾灘母有戚立爲知事當未被圍前人心甚恐及大軍至例遣勸降使諭以禍福朮赤因成吉思汗許以是地爲其領域不欲踐陵

其首府乃嚴禁縱掠時城內之賢者因蘇爾灘曾自裹海島與市民書曰汝等爲強大之敵所襲宜以降服爲上策因之心愈不忍均願抗敵

時蒙古軍於軍域之附近治攻圍之具甚備此地人民以未忘舊君斬物不與蒙古軍乃壞屋壁沈其木材於水中而增其重量以爲石弩之用旣成或勸誘之或恐嚇之旋他地之兵亦來會十日而濠成以三千兵將奪阿母河橋貨勒自彌之兵勇戰奮鬪其氣甚厲朮赤與察合台兵勇氣遠遜且不和協無紀律故閱六月而其城不能陷成吉思汗聞之大怒命窩闊台代領其衆

窩闊台至與二兄解和重整軍規士氣大振於是併力攻擊而城陷城壁徧樹蒙古之旗入城以石腦油放火光焰燭天然貨勒自彌人猶奮鬪苦戰相接於街市間若不勝則復易其處不稍退讓至婦人童幼亦執武器以防戰七日共舉一警察官詣蒙古軍請降曰我等屈於貴軍之暴力請嘗貴軍之刃朮赤聞

之怒曰彼等既言屈於我軍之暴力然先用暴力傷我軍者非彼等乎我軍既挫彼軍之暴力不可不令彼嘗我等之刃乃命市民出城外列工匠於他處悉殺市民以其童幼婦女爲奴隸掠奪其市決阿母河堤其水浸入城內史家哀蒲烏赤爾記之曰他城陷落或逃避或遁走或求活屍間者不少惟貨勒自彌之人不仆於蒙古之鋒刃而多葬於阿母河之水爲可慘矣

成吉思汗由那墨沙不附近之平原進軍先慰騎馬兵士進圍忒耳迷此市在阿母河北岸城門未啓乃壞其城郭及城內寨堡至十日破之出其城民殺之一老媪將死探知其腹中吞藏寶石剖其腹因之他人之腹多有剖者

夏至薩蠻畧其東鄰巴惕客薛同時拖雷亦率軍向呼拉商翌年春返軍見阿母之河北廢墟纍纍

成吉思汗徒涉阿母河巴而黑遣人迎於途獻禮物此市甚廣大而有名未防

其全體之破壞時札刺勒丁率一軍在噶自尼聞之亦率軍至令巴兒黑人民出城悉殺之復恣行略奪

成吉思汗至諾司雷脫柯寨此地爲塔力堪山之一要地其位置險要構造堅牢守將防禦甚力閱六月成吉思汗將圍之以各地徵發之捕虜兵爲最前列令曰戰退者殺別爲臺令其高與敵壘同以電氣機械擊其城內部大破之城兵將衝圍而逃其騎兵遁走山間步兵潰裂蒙古兵至是閱七月而入城其城民悉殺之無遺類

(八)呼拉商之征定 朮赤速不台率軍追蘇爾灘於呼拉商大肆掠畧旣征定卽置一知事率軍北進先是蘇爾灘在義拉克謂蒙古軍萎靡不振人心浮動徒思之傭兵長以蒙古將之有司令官資格者殺之致其首於乃沙不耳至是聞其事乃率留守烏斯託瓦縣之兵三百直向徒思大傷其衆以報虐殺司

令官之仇破其城旋征呼拉商之蒙古軍亦至

一二二〇年秋拖雷受命征呼拉商先以其前營託海諾延

成吉思汗婿

率一萬騎

前進取道納商其一部近納商隊長別兒古沙中城兵流矢死於是蒙古軍思報仇乃進圍納商

先是蘇爾灘謨罕默德之將去呼拉商而至義拉克也遣人諭納商人民曰今來侵者非尋常之敵也策之上乘市民皆須出城而入沙漠或隱於山間蓋塔塔兒人掠城後即退去必然之事也爾等其徐以待之決不可爲守城之愚計且城內寨當蘇爾灘塔客沙攻擊納商之際已破壞而爲耕作地人民等不聽復修葺其故寨

託海諾延軍既至納商先令徵發之捕虜向城壁退者處死攻圍十有五日蒙古軍以攻城機大破之乘夜占領其城壁翌曉入城驅城民出郊外悉縛而戮

之史家納商謨罕默德記曰納商之民將逃於附近山間以圖自全蒙古人無男女童幼悉縛而殺之近鄰之民避難於此者亦被殺戮合計死者實七萬以上云

納商城陷後三日蒙古軍進圍海拉脫城史家以爲納商謨罕默德之所領也記蒙古軍陷此城之略曰當時僕在城內其寨堡在山上爲呼拉商最堅城之一自伊思馬哀耳教宏被東方諸國以來屬於僕之祖父此地因在中央凡附近被捕捉殺傷之民多脫走於此後塔塔兒人見此城不能陷乃買棉及他物於其城民不知人民不貪其分捕品與納商相反將以此品物歸之應使者無人最後得二老人彼以此行不能生還託其兒於僕以撫育之旣行果被虐殺是等蠻人散居於呼拉商欲令各村之農民皆爲其攻圍之助擅行剽略卽其君與臣亦爲攻城之具不從者悉殺之

一二二〇年十一月託海諾延至乃沙不耳將陷之至第三日爲城兵射死統帥以兵力未足乃命退兵進向他地分爲二軍以一軍向斯不塞魯三日而陷殺市民七萬以一軍向徒思到處屠其城寨其克魯及羅格二城殺戮殆盡

拖雷本軍旣入呼拉商乃先攻馬魯此地爲四大都市之一卽塞而柱克朝蘇爾灘蔑里克沙

一〇七三
九二

等之故居以其爲沃野稱之曰木兒克布在馬魯阿

魯哀丁附近之河岸蘇爾灘謨罕默德之將去阿母河也遣使告市民曰爾等軍隊及人民第一之要務須退城速去鄰近之蔑雷否則須仍守市內蒙古軍見其下諭卽知蘇爾灘之窮狀當時其城守黑海烏魯木兒忽在蔑那克聞之不安移居於塔黑里斯坦高山中之一寨曰阿刺塔忽者民多從之并有在馬魯而逃亡者其後是城之木甫其欲降蒙古哈山等反對之

先是哲別速不台至馬魯也有馬兒察窟者爲此市所舉率一軍請降及蒙古

軍去蘇爾灘謨罕默德之臣有突克蠻將婆克者率國中一隊入馬魯主張防戰集城民及部下所屬並此地之突克蠻未受捕於蒙古人者頗有勢力未幾馬魯之前知事曰謨札兒烏木里先從蘇爾灘謨罕默德逃於忒耳迷及蘇爾灘死至馬魯附近市民乃合軍人共往迓之婆克勢不能勝乃讓於謨札兒烏木里謨札兒烏木里之母先侍蘇爾灘後宮後將他嫁既孕遂生彼故彼自稱爲王統自是蒙古兵至木甫其勸之降與距馬魯六日程之賽刺黑思市長哈山通款哈山爲謨札兒之親族既降蒙古即任以是地之司令官後其謀漸露遂誅木甫其

是時黑海烏魯木兒忽既出阿刺塔忽寨至阿撒地蘭告蒙古統帥曰我往與馬魯主約必降不然再陷之於是蒙古兵至馬魯城下聞城內騷亂以書與謨札兒曰我等夙有昔日互爭知事之怨今蒙古兵勢力甚盛不易敵彼陷乃沙

不耳瞬息間耳復以一萬之捕虜兵與七千之蒙古兵向馬魯已在中途僕亦與焉願忘舊怨敦友誼敢以告城民聞之皆驚恐旋知爲僞言殺其使蒙古兵以黑海烏魯木兒忽誇詐誅之

至是蒙古之進軍稍緩謨札兒烏木里及馬魯之貴族等暫保無虞甚喜既得阿木夜知事之警報知蒙古軍在阿木夜附近渡阿母河向馬魯直進未幾蒙古兵八百至馬魯附近以突克蠻兵屯城前以貨勒自彌率來之二千突厥兵自背襲擊大破之

拖雷之兵七萬皆徵發之捕虜也蒙古軍之意向所注在先破突克蠻時突克蠻兵一萬餘騎在城之附近而陣皆潰走掠奪其侵馬魯所收之財貨翌日

二一年二月二十五日

拖雷率五百騎巡察城外分給所掠畢閱一週全軍儘力攻擊之

城兵多方防禦皆爲蒙古兵所阻翌朝謨札兒烏木里遣使者伊瑪姆持贈物

至蒙古營卑辭請和並約拖雷保存馬魯政府及城內之居民願爲臣與以祿位於是召城內之人士至拖雷前悉縛之指示馬魯之首富者及二百商賈並財產家送蒙古軍中以其工匠四百人編入軍隊遂入城逐城民出持其財寶而去拖雷列黃金之床几於郊野坐視捕虜處以斬決男女童幼悉散在各地自刎並掘塞而柱克蘇爾灘奚斥牙魯墓取其財寶而去馬魯之城壁與城內寨全破壞當時城內死者實達一百三十萬以上其慘狀可知矣

拖雷乃舉市民之有力者司令於馬魯爲知事率軍進乃沙不耳未幾有五千隱匿者爲亂拖雷將合兵來會先將在市中之剝大麥者殺之軍隊後至所過民皆被殺

拖雷既自馬魯至乃沙不耳是地稱曰沙夫耳取沙母朝波斯王沙夫耳之名也昔科思羅思王

一〇七
一一一

都呼拉商名曰伊拉母未經一世紀至一一五三年

蘇爾灘希雅魯居此地突厥阿庫思之漂泊種亦徙於此一二〇八年地震二次多所破壞及蒙古兵至城內之民多爲所屠以報其義兄託海諾延之死也數月來乃沙不耳於其城之附近盛講防禦之策以備蒙古在城上設弩三千投石機五百而蒙古軍之置備亦密先在乃沙不耳城附近之都邑村落亦設弩三千投石機三百及投石腦油壺機械七百梯四千並石塊二千五百石城軍知之其氣大喪以伊瑪姆及貴族等爲統帥貨勒自彌之大法官爲隊長至拖雷營請降入貢拖雷不許翌日督兵攻之時一二二一年四月七日水曜日也

自水曜日戰至翌夜達曉陷城壁七十處蒙古兵一萬遂侵入與多數之敵兵遇戰於街市至金曜日全城爲蒙古軍占領其勢甚銳託海諾延之婦成吉思汗女也率一萬兵沿途行殺戮及入城殺戮四日人民殆盡至雞犬亦無遺類

馬魯陷時城民多隱於屍間及大軍去乃刎死者頭將男女童幼之屍堆積如山歷十五日城壁悉壞惟工匠四百人得生蒙古軍乃北進城民之隱於土中者爲蒙古之殘兵所殺亦有死於土窟中者四五年後札刺勒丁至此地掘土中之財寶實達巨額云

至是呼拉商之都邑未下者惟一海拉特拖雷遂向之進軍其陷徒思之軍發哈里發哈魯兒特及阿兒耶兒斥墳來會拖雷取道苦喝以斯單而至海拉特是地在乃沙不耳東南距五日程多田園戶口亦密其守將殺降諭使蓄精壯士馬爲防禦計蒙古兵圍之八日攻戰甚烈守將被傷城兵多出降拖雷知城內訌於是誘之曰降者赦免多應者殺札刺勒丁兵一萬二千以蒙古將木思耳曼克爲知事

拖雷既定呼拉商以成吉思汗命攻塔里堪乃於陷海拉特後八日向之進軍

蒙古軍在呼拉商時突克蠻有一小部酋克斤哈利居馬魯附近之謨哈縣恐敵來襲逃於西方建國於阿味尼亞之阿夫那朵後八年蒙古軍復入其地更有在小亞細亞之部長耶兒古兒率其部衆四百五十人因羅姆之塞而柱克蘇爾灘得烏札海號有乞利西亞國境阿耳科附近之地其職如克阿兒帝時之蠻古庫阿那夫彼既死其領地乃歸乞利西亞至其子阿思曼

一曰阿
朵曼

勢漸强大阿思曼一世自一二九九年在位至一二二六年歸蒙古

塞而柱克朝亡於亞細亞後代領者號蘇爾灘是爲阿土曼土而基國之原始也

(九)印度之行軍 塔力堪陷後夏成吉思汗駐其附近山間察合台窩闊台自貨勒自彌率軍來會朮赤陷烏爾韃赤後乃出阿母河北岸是年秋成吉思汗行軍聞蘇爾灘札刺勒丁在嘎自尼擁兵馬自雄遂先攻之至喀兒託阿寨

閱一月乃陷後踰印度北境伊突古烏沙嶺圍八米俺寨時察合台之子莫圖根中矢卒此子夙爲成吉思汗所鍾愛聞信大憤激攻之後其地甚荒蕪至百年後猶不見人跡當時察合台不知其子死後聞之甚哀悼云

時札刺勒丁聞蒙古在沙比利斯境將擁護本軍及拖雷軍襲一隊克之先是札刺勒丁越貨勒自彌沙漠蒙古兵破之於納商附近將向嘎自尼先至乃沙不耳居三日以一二二一年二月十日啓行經一時間蒙古兵躡之而至蘇爾灘見一將走一岐路已亦取他岐路而逃蓋彼不知蒙古兵之尾躡也距之僅四馬伊魯

英哩名

後至都烏札乃止夜復出市翌日蒙古兵至已不及又沿海拉

特途追之如是三日幸抵嘎自尼士庶乃仰之爲主

當時嘎自尼叛亂已年餘最初有古烏魯人謨罕默德哈勒不忒者卽前有名之蘇爾灘謨罕默德主其地及蘇爾灘之去阿母也其母與其叔父哀密耳瑪

里克曾領海拉特以其去蒙古戰地不遠乃逃於嘎自尼擁突厥康里兵凡二萬向哈勒不忒求營舍因突厥人與古烏魯人不能同居乃答曰突厥兵須在突厥之地再三請求仍不許於是札刺勒丁之相賽那忽人賽甫哀丁誘殺哈勒不忒突厥兵遂入城認哀密耳爲主當此變時聞蒙古兵已向柏斯太哀密耳將出兵迎之以其兵勢薄弱退於海拉特此時哀密耳與賽甫哀丁共入克斥烏拉城嘎自尼以無主叛亂哈勒不忒之有力人民乃以其主權上忒耳迷人那札兒烏魯摩古費耳札人突克蠻人並自土刺斯幹吉及呼拉商攜衆逃於嘎自尼居費兒沙魯之原歸賽甫哀丁阿古雷部下廢新知事將稱霸於印度爲敵所殺其弟耶甫忒烏兒代領嘎自尼未幾克夫兒知事圍之城將陷因札刺勒丁使者塞甫烏兒古至告以將入城後七日蘇爾灘至命集四方之兵以鎮其變於是哀密耳烏里瑪里克率突厥康里兵來歸蘇爾灘之女亦至阿

古雷瑪里克以不耳烏察及突克蠻兵自費兒沙魯來客布烏兒之知事並阿
眞母瑪里克以古烏魯兵進全軍約六七萬騎

一二二一年春蘇爾灘率全軍進八米俺附近之火兒俺野圍瓦里寨與蒙古
軍遇未戰先其前營殺蒙古軍一千人蒙古軍乃退札刺勒丁遣其輜重還火
兒俺後八日沙古烏率蒙古軍至

蒙古人擁兵三千駐客布烏兒及沙比利斯坦山境探視札刺勒丁之軍其一
隊受掩護之任者聞向瓦里委不利乃向札刺勒丁而進札刺勒丁亦在其附
近應戰兩軍大戰於火兒俺之野札刺勒丁以哀密耳瑪里克爲右翼阿古雷
爲左翼自爲中軍其左翼突擊一萬之蒙古軍中軍及右翼赴援勝負不相下
經數時仍不決兩軍多有死傷入夜皆退此時蒙古軍詐言援兵大至盛增旌
旗貨勒自彌軍大恐札刺勒丁知其爲僞仍命進戰蒙古兵以前日之戰爲阿

古雷軍之精英主張以全力注之一時貨勒自彌軍旗色大變札刺勒丁盛旗鼓全軍騎乘大呼突入蒙古軍將圍之古突古卽傳命若見纛不失不得休戰因之四面受敵俄奮戰突圍僅以身免蒙古軍大敗札刺勒丁在軍中以分給戰利品致起哀密耳與阿古雷之紛爭至相奮鬪阿古雷於夜率其部下不耳烏察及突克蠻兵並誘古烏魯軍長阿沙木瑪里克退於費兒沙魯札刺勒丁不能止其部下惟存突厥及貨勒自彌兵乃退於嘎自尼更入印度

成吉思汗聞火兒俺之大敗大怒彼古突古夙爲所寵畜亦深加切責古突古覆答未畢卽引兵向火兒俺急進謂此戰之衄敗係古突古等不辨地形昧於開戰方略所致責之將行斬決旋達嘎自尼時札刺勒丁已行十有五日矣城兵皆降以伊葉兒溫札爲知事追躡札刺勒丁於印度河岸時札刺勒丁將以明日越河聞急乃馳行中夜達河岸阿兒哈率貨勒自彌之殿軍圍敵二三重

但餘河一角至曉進軍蒙古兵突入貨勒自彌軍破哀密耳瑪里克右翼哀密耳將向費兒沙魯中途爲蒙古軍所殺左翼等亦挫札刺勒丁以七百人爲中軍奮戰將破圍蒙古軍矢石叢下至日午戰不決遂乘其愛馬伺隙爲最後之突擊由二十尺之高岸投於水中執旗泳去蒙古軍見之亦涉河追之成吉思汗指而訕之凡從札刺勒丁渡者蒙古軍射以矢多有殺傷札刺勒丁家族中之丁男皆被殺擒其婦女童幼札刺勒丁悉投其金銀財寶於河中而去成吉思汗令潛水者取其一部而出

札刺勒丁既渡初只隻身旋來附者頗衆皆自近鄰各地集武器及衣類而來乃組織軍隊得四千餘騎來襲朮赤朮赤率六千餘騎迎戰射殺其長所掠甚多蒙古之軍來報者指爲顛列蓋古烏魯朝滅後稱雄於印度北部者爲納忽烏兒之君納昔兒哀丁顛列之君賽甫哀丁伊突美沙及木列坦之君而已

成吉思汗尋遣海蘭託兒台追札刺勒丁至印度不及先陷比俺寨將拔烏列丹以投石機乏石不能用乃投於河中以爲防水粹以是烏列丹城不能破會盛暑更難奏功遂進追札刺勒丁入中印度侵納忽烏兒費兒沙魯美利古等地皆荒廢越印度河將還塔兒塔利與本軍合於嘎自尼而行

第五節 西軍之凱旋

成吉思汗既遣海蘭及託兒台乃沿印度河之右岸進一二二二年春窩闊台奉命討嘎自尼悉殺城中之工匠然後肆行掠奪蓋二世紀以上強國繁榮之首都遂亡

同時伊魯赤塔率一隊拔海拉特初蒙古兵曾在此爲火兒俺之戰札刺勒丁既勝古突古遂爲所有城之將陷也市民等以將脫蒙古之束縛預蓄武器與兵食蒙古所置之知事二人不應時海拉特附近巴脫吉思縣之岩上有克力

哇山寨一名連兒託烏直達城下中有長半謨伊兒足容二人行之小徑矢石不易達故蒙古軍攻之二次不能陷城民恐蒙古軍之再來或海拉特之徵發乃與海拉人同盟欲舉城降於阿不烏吉魯及美古丹兩知事遣人致書謂蒙兵苛酷願降附以前先下保民生命之諭二知事許之并言便兩城間之交通連兒託烏人等乃以兵士七十人扮商人置武器於行囊中入市內殺兩知事於是海拉特人叛蒙古并殺兩知事之徒黨別立文武兩知事

海拉特既叛察合台乃集征各地之兵約五萬人來攻之城兵死守蒙古兵被擊退者數次俄城兵有內訌者將率所部出降蒙古兵知之乃急進攻閱一百九十六日城陷時一二二二年七月十五日也入城大行殺戮掠奪經一週海拉特民死者達一百六十萬云

察合台乃取其戰利品之貴重者載送成吉思以年幼之捕虜副之既定將會

本軍前進於城址中發見海拉特軍隊二千人彼以十六人暫隱於山上後見蒙古軍去歸市中與他之逃亡者合遂分四十人爲一隊以城內之寺院爲營舍焉

馬魯自殲滅後衆復殖蓋亂中遠避者既歸其鄰近人民以此地肥沃亦多來集時札刺勒丁率一隊入城殺拖雷所置波斯人之知事蒙古兵乃以一隊五千人自乃沙不耳進殺城民而陷其城付兵若干於木速兒曼人阿古美利忽搜城民隱匿者殺之阿古以不能盡力探索乃令在高迷納列多

謨罕默德教寺院之尖塔

上爲公衆之祈禱號謨耶斤

謨罕默德教在迷納列多上報祈禱之時刻者

使木速兒曼人若爲禮拜

者彼隱匿者遂皆驚出乃殺之如是四十有一日馬魯之民殺戮幾盡後塔美兒連之子蘇爾灘沙阿兒甫至第十五世紀於此處始再建市

成吉思自敗札刺勒丁兵於印度河後乃捨札刺勒丁而討其餘孽時札刺勒

丁既逸去阿古雷離本軍與阿宰木共入其領地之火克魯兒居未久向費兒沙魯其故仇羅烏察丹遣使於阿宰木求納阿古雷阿宰木答以不能與木速兒蠻分裂遣五十人覓阿古雷會飲阿古雷乘酒醉騎馬入羅烏察丹之夫兒烏斥軍營爲其所害阿古雷兵聞其主死知爲羅烏與阿宰木之隱謀乃殺阿宰木襲羅烏其子亦被害此役古烏魯人死者甚多惟存欽察突克蠻及古烏魯人等之一隊旋爲蒙古騎兵與波斯步兵之混成隊所逐皆潰散

嘎自尼既陷阿窩闊台乞攻奚斯丹成吉思汗以盛暑令退還一二二三年七月夏蒙古軍至火兒俺見其人民寥落既爲所定乃置塔兒克斯爲知事海蘭及託兒台亦進軍於庫烏納古兒窩闊台來會冬陣於印度河上流之不牙克特兒山地軍隊中有病疫流行

一二二三年春疫止成吉思汗自印度託火台而歸蒙古其未行前張十以上

二十顛特

幕帳也

將捕虜殲殺指託火台而進旋以其地多山林通行頗難乃返

火沙兒卽取道越八米俺峙至巴克納縣夏布陣秋進軍過巴兒古附近捕其居民悉殺之

成吉思汗再渡阿母河至婆火刺命沙兒札汗召諳謨罕默德教者得哈山耶奚列夫教士一人成吉思因兩人詳聽教義除麥喀巡禮外悉然其說云

次至撒馬兒干其貴族等皆歡迎之成吉思汗急遣使於朮赤命攜其子速來朮赤以貨勒自彌陷後與察合台肇爭端乃北渡阿母河爲獵以自娛成吉思汗命彼來者欲彼追獵獸來有所勸告也

一二二三年冬成吉思汗陣於撒馬兒干至翌春將進軍札刺勒丁之母及親族等以最後之分訣告貨勒自彌駐阿母河岸與察合台窩闊台合二人在婆火納附近日以獵自娛云

一二二四年夏成吉思至科蘭達些縣尤赤應命而來其所獵之獸野驢馬甚夥乃追之向科蘭達些達成吉思汗前成吉思汗首自行獵其兵士繼之以遠道追來甚形困憊捕得者甚悅後取其毛爲記號而放之

是年夏及冬均在途中經行其孫忽必烈旭烈兀亦自喀密河乃蠻畏兀兒境來會時忽必烈年十一殺兔於途旭烈兀九歲殺鹿於途原蒙古俗尙凡初獵者皆以獸脂塗小兒之中指或取獸肉成吉思汗聞二孫至不克斯忽乃享其軍士至一二二五年二月返阿兒塔成吉思汗自是遂征唐古忒而哲別速不台亦

進而西征矣

第九章 速不台之西征

速不台哲別既窮追札刺勒丁於裏海間之小島然後進定波斯北進而略俄羅斯之南東二邊

二將先入義拉克阿鄭至來因不俟速不台軍至卽以他隊陷之取其附近之
訶木地再迫哈馬丹其市長厚禮之而降乃置司令官進陷其西北贊章將東
取可疾云城民力禦之蒙古兵大傷旋拔其城殺城民四萬更向西北阿特耳
佩占州之首府塔不里斯其地在克忒斯嶺南塞而柱克有家臣欽察伊魯帖
吉孫烏只別古於一一九七年間自立爲阿塔畢蒙古來襲烏只別古年老溺
於酒不能力拒以銀布帛及馬贈蒙古而去蒙古兵遂往囁自尼沿岸之謨克
母度冬蓋是地氣候溫暖多牧草至冬則寒氣酷嚴大雪沒道其人民決不料
蒙古兵之至也蒙古軍乃闖入遮兒基牙

時阿札巴察酋並當時之小邦美索不達迷亞等酋將協議有使者自遮兒基
牙來約乘雪融而擊蒙古軍蒙古軍乃先乘敵備未成突於雪中踰山岳冒險
而入其守備兵一萬五千人先爲所破蒙古軍旣獲勝探知古烏忒人突克蠻

人與奉耶穌之遮兒基牙人不和乃推烏只別古之一將阿託古沙爲司令官進討所至屠畧屈帖弗利司附近遮兒基牙有兵鎮守蒙古軍不少挫遮兒基牙人遂大敗

一二二二年春蒙古人再至塔塔不里斯受其厚幣而退乃南向烏米俺湖畔之蔑里克當時其君爲女主居兒伊爹兒城中拔之悉殺其城民移遠方之民居之次陷蔑里克持取其寶貨焚廬舍誘居民出悉殺之時一二二二年三月也

蒙古兵自蔑里克西南將向奚斯丹之哀而陞耳以山路崎嶇騎不能並進乃轉向伊納古阿那比哈里發那昔爾聞警前進約哀而陞耳君謨遮兒哀丁並謨斯兒君海特魯哀丁及美索不達迷亞君瑪里克耶奚路甫擊蒙古前二者許諾至塔古加惟耶奚路甫託言不出兵

當時十字軍與西洋兵已入奚里埃及彼以其兄危急將救之也前

二君以哈里發兵頗少欲令尙增二萬然後波斯得恢復哈里發不能應二君逗遛不進蒙古兵見其勢小不能爲方整備塔古加之兵聞之多疑懼離散蒙古兵未至報達復向哈馬丹蓋蒙古嘗向之乞幣帛不與而殺其司令官僧徒等率其衆以叛及蒙古兵至乃退至第三日城中之僧將不能騎馬託市長爲司令市長不應乃掘地道攜家脫城投蒙古軍蒙古軍大舉攻之戰爭數日除窖中之兵士二三人外悉被殺戮

蒙古兵更北進至耶兒賽兒取其人民殺之三向塔不里斯烏只別古聞報恐懼奔阿納古斯河左岸之拉甫赤哇命將留守蒙古兵受其幣帛乃退進至賽拉甫殺其居民轉向阿拉州之巴拉干先遣使勸降城民斬其使乃進陷其城悉殺其男子其女子則辱而後殺剖孕婦之腹殺其嬰女更向古烏兒河南阿拉之曠察牙都其城民出而力禦且其地接遮兒基牙屢經攻戰預知設備旋

蒙古兵得其幣帛卽向遮兒基牙分爲兩軍速不台率一軍前進哲別爲伏速不台佯敗誘之遮兒基牙以三萬人追躡多中伏而死蒙古軍乃退於帖弗利司中途又轉向設里汪之沙木以都肆掠畧然後入打耳斑

蒙古兵入打耳斑不能取其城設里汪之君乃沙特據納里克連城不降蒙古人乃詐遣人媾和求其送千人來殺其一人其他皆脅迫之爲前導進越克斯卑峠卽所謂波兒塔雷者山後有阿雷兒阿西札克思欽察等七部彼等協力防禦蒙古兵不能克遣使告欽察曰汝我皆突厥族今汝等與異族阿雷兒共敵同種果何意乎何不與我等協力略奪阿雷兒等所有幣帛與汝共分之於是欽察從其言爲之應援遂敗阿雷兒

欽察曰奇卜察克亦曰台卜察兀中國史稱欽察乞卜察兀可弗義俄羅斯稱波羅物次波阿雷多之史家呼波羅物齊吉里西牙帝國之史家呼之曰

庫滿爲突厥種與倍察雷吉等爲同族當俄羅斯一〇五四年拉斯忒記謂

自六五七六年即一〇六八年以來凡六六一九年即一一一年實與俄羅斯有十數次

之交涉詳見後章茲不述

欽察爲蒙古人詐敗其一部往歐羅巴他部或向小亞細亞或向俄羅斯據克

拉姆西之俄羅斯史所述如左

一二二三年頃速台巴圖魯即速不台巴圖魯之誤及哲不羅畏俺即哲別諾延之誤受成吉

思汗命用詭計取其地爲已屬更取波羅物次當時其酋長耶里伊科察科

見危率部下走南俄蒙古追而殺之其他酋長塔里耶兒科察科亦然部屬

多逃於裏海而入俄羅斯有一部在波羅物次之中曰科察者率其家族入

赤佛其女嫁於哈里察酋木斯吉夫科察遂呈駱駝及幣帛告曰今日蒙古

人既掠我土地明日將向汝地乃大驚人心沸然或往塔俄兒或往卑察吉

是稱塔塔兒木斯吉夫以豪勇召集列國於赤佛於是赤佛酋木斯吉夫路曼伊察察兒科甫酋木斯吉夫申多那察阿林牙酋塔里兒路曼伊察羅科雷特前酋烏賽勒特木斯吉夫伊察察里科甫酋之姪米哈耶兒等共協議禦敵之略後科察不惟不援反爲蒙古之嚮導知彼等將加害故不歸退於國境外而待應援事既定木斯吉夫自爲總督

波羅不乞汗巴
斯太入基督敎

沿特里布兒

河而下向蒙古進軍各聯合軍至南沙兒甫

耶克雷斯
夫附近

時蒙古遣使者十人

來告曰聞卿等爲波羅物齊所欺對於我若懷怨者我軍非敢掠貴國圍其一市村也實欲討我臣波羅物齊也波羅物齊實古來俄羅斯之敵我等盍共認爲公敵而夾擊之事後可共分其財產皆不應殺其使者閱十七日再遣使致辭曰貴軍受欺於波羅物齊殺我使節非欲開戰而何我亦非避戰也謹應命惟神其察之乃列陣而待木斯吉夫路曼伊察烏雷烏里伊察及

小部察里科不領主亦率赤佛之民進軍斯謨里古不察烏兒烏斯古及土

魯察古之各酋從之哇里牙及哈哇里乞兵乘數十舸由士力斯河出海更

迦特里布兒河至火兒察河邊來會或云是時俄羅斯軍在 爹札夫八萬
三千以上在塔塔兒海者二十萬以上

不足
信也波羅物齊亦來會陣於特里布兒河右岸當時纔十八歲命塔里兒路

曼伊察偵敵彼率騎兵前進旋來告曰敵兵列不整不足論蓋弱兵也可驅

精壯者與戰也首將哇里乞人木斯吉夫好戰將進軍阿耶忒布而噶爾語
防人長之義

耶里塔馬里察適自哇里乞來見蒙古兵反塔里兒之言曰敵兵勇悍用弓

矢遠勝波羅物齊然此不過烏合之衆耳木斯吉勇悍好戰乃進軍與蒙古

之一隊會追之其時所用之弓矢亦利囚蒙古之隊長火米察古後因波羅

物齊之請不殺捕蒙古兵之家畜於是全軍出特里布兒河左岸閱九日至

克里加河今云克列只為阿左夫
附近馬渡兒之一小河小戰勝負不能決木斯吉夫先獨渡其左

岸塔里兒及波羅物齊酋長牙魯木爲先鋒向前直進知有蒙古兵乃於其左岸而戰先鋒塔里兒勇戰諸將亦盡死力相助蒙古兵忽退波羅物齊驚恐陣亂屢入俄羅斯陣全軍盡向河而走後陣知其故亦怠赤佛察兒科甫曾聞之大驚其軍盡潰蒙古兵乘勝追之俄羅斯兵之戰死有名者斯牙脫斯牙諾烏吉伊沙甫因忽諾察斯牙脫斯沙木吉木斯吉夫斯伊脫司拉牙察及其子約勒里斯吉及勇士阿列古脫兒波察等並有名之騎士七十人爲俄羅斯前古未有之大敗生還者僅十分之一而赤佛之一萬勇卒亡失殆盡波羅物齊奪俄羅斯敗走者之馬具木斯吉夫乘船渡特里布兒欲防追者盡燒他船而歸哇里乞是日木斯吉夫路曼伊察以已軍駐於克里加附近之石山敵軍過此圍之支持數日欲得其全額而赦之路曼伊察應諾

俄蒙古之前營布忒里古

俄羅斯語阿巴連之義
今克沙古之原始也

阿耶忒布魯吉亞遣使者

來會結條約路曼伊察信之越城而至浦魯斯牙縛之致於兩總督蒙古以

是中之重要者三人即路曼伊察與其親族脫布烏魯木伊耶甫縣曾阿忒列及

阿古沙兒皆波羅物齊產殺其兩人以報先殺使者之仇或云以板押殺後臨其尸張大宴或云以板押其上

張宴時一二二三年五月三十一日也部署畢即入南方俄羅斯掠其人民立

十字架上凡哀請許絕後患者得免殺即今之耶克雷甫及塔烏斯縣等地

也又入忽里木之速達克今日黑海之一港為塞諾領北部貿易之中心也一二二三年末乃侵東

北之布而噶爾

布而噶爾中國史稱不里阿耳孛列兒即今之俄羅斯克薩干雅朵干二縣

也與土拉諸州為同族其根據地在烈斯坦耳黑不喀爾者為阿木耳之後

裔所屬於後章詳之

布而噶爾人聞蒙古兵至逆擊之蒙古人設伏誘之一戰而敗退出裏海沿岸

之薩克寨哲別速不台遂退乞兒吉斯之草原而出婆火刺與成吉思合蓋其往來無定也

第十章 波斯之再征定

哲別速不台既去俄羅斯乃議征波斯之義拉克阿鄭阿特耳佩占等地蓋蒙古之行軍如克雷木言凡取一國破一城必大行殺戮以絕後患惟義拉克阿鄭阿特耳佩占等地得保全故特再來平定之也

貨勒白彌之主謨罕默德率其三子陣於嘎自尼聞來因爲蒙古所陷乃遁後死於裏海之小島其子羅古哀丁在義拉克阿鄭爲蒙古軍所迫遂踰沙漠走南方沿海之克謨耳州募兵其總督者兀耳率其部下來援入沙漠中央之克謨耳市市之總督集公帑分與軍隊閱七月而返義拉克阿鄭其中有札木兒哀丁豪族者乘羅口哀丁之既去思據其地故須先攻下之乃陣於來因將前

進聞蒙古之塔伊莫斯塔伊莫耳兩人將來襲急撤營逃於近傍之耶兒不耳山中入斯忒俺蒙古軍攻之閱六月始陷羅古哀丁不屈其部下殺之以降札木兒知蒙古兵不可敵聞羅古死直降蒙古軍欲領有哈馬丹誓納貢蒙古俟其入殺之

一二二四年成吉思汗軍駐撒馬兒干蒙古兵三千突由貨勒自彌出來因附近中有六千貨勒自彌兵之野營因蒙古兵至追擊之多爲蒙古兵殘殺而來因遂亡

速不台哲別之行軍至此也取捷徑以其迅速也此外如撒瓦忽木柯傷及哈馬丹皆甚艱險故一路無掠奪殘殺後始入特耳佩占

烏只別古領阿特耳佩占約貢於蒙古而禁其妄掠其領內之塔不里斯貨勒自彌兵甚多領主將致之於蒙古烏只別古乃斬主者之頭並他生擒者送於

蒙古願兵不亂暴蒙古乃引退故未如義拉克阿鄭及土刺斯斡吉之遭慘殺也自是西征之功遂終史言蒙古人西征遠至乞里細亞其國城固而守嚴皆曰蒙古人爲獸類不以人類待之謂其國人皆犬頭常以人肉爲食云

第十一章 西夏之滅亡

木訶里旣死時成吉思汗弟察兀哈撒兒留守龍庭無所事事且見諸將多立功異域奮躍欲動乃據龍庭謀叛以西夏民與蒙古人水火自木訶里死蒙古之兵卽絕跡將舉兵征之成吉思汗知其異志命速不台率兵數千向察兀哈撒兒詰問察兀哈撒兒乃誓歸順事遂平速不台遂向中國進軍以代木訶里經略戰事惟金終成吉思世尙延殘喘而已

成吉思汗西征還乃自率兵討西夏滅之全有河西地人民多遭殘殺蓋西夏自拓拔氏君臨歷唐宋間由太祖繼遷至南平王凡十二代當一〇五〇年

三代景宗時元昊建國迄一二二七年間一百八十年而亡今據中國史述蒙古用兵之始末如左

十七年秋九月先是蒙古主在西域夏王陰結外援蒙古主密詔孛魯討之至是攻銀州克之斬首數萬級獲人馬牛羊數十萬俘監府塔海命都元帥蒙古不花守其要害而還夏及金平金以夏爲北兵所逼將立新主以翰林趙周臣爲冊使既遣至界上朝議罷其事飛驛卒追回初夏人與金通好不交兵者八十年至貞祐初以小故生釁構難十年一勝一負遂至精銳俱盡兩國皆弊至是夏人請和金馮子駿往議李獻甫預行夏使口辯馮無以折之往復之際至以歲幣爲言獻甫曰夏國與本朝和好百年金雖易君臣之名而爲兄弟之國使兄而輸幣寧有據耶曰兄弟且不論宋昔曾與吾家二十五萬匹典故俱在君獨不知耶金朝必欲修舊好非此例不可獻甫作色

曰使者尙忍言之耶宗以歲幣餌君家而賜之姓岸然以君父自居夏國君臣無一悟者誠謂使者當以爲諱乃今公言之使者果能主此議以從賜姓之例敝邑雖捐五十萬無不可某請以身任之使者語塞和議乃定夏以兄事金遣其吏部尙書李仲諤修好於金各用本國年號來聘奉國書稱弟理宗寶慶元年冬十月是月蒙古鐵木真伐夏取甘肅州西涼府十一月取靈州進次鹽州以西夏納仇人亦臘喝翔昆及不入盾子也有守納刺城者夏主之子也城陷不屈而死子維忠方七歲求從父死蒙古將異之執以獻其宗王合撒兒留養之李恆其後也

二年春正月蒙古主鐵木真以夏納仇人又不遣質子自將兵伐西夏取黑水等城三月金主父遵項殂年六十四諡英文皇帝號曰神宗夏五月蒙古主避暑於渾垂山取夏甘肅等州蒙古有察罕者父曲也法律爲夏臣其妾

方懷察罕不容於嫡母配以掌牛羣者及長武勇過人爲蒙古主所知及從
攻西夏破肅州師次甘州察罕父曲也怯律居守城中察罕射書招之且求
見其弟時弟年十三命登城於高處示之且遣使諭城使早降其副阿綽等
三十六人合謀殺曲也怯律父子併殺使者併力拒守及城破蒙古主欲盡
坑之察罕言百姓無辜止罪三十六人秋七月蒙古主取夏西涼府擗羅河
羅等縣夏掌國史甯州幹札箐守西涼率父老以城降遂踰沙陀至黃河九
渡取應里等縣夏國主德旺驚悸而卒年四十六號曰獻宗國人立其弟南
平王睨以兵事方殷告於金各停使聘十一月庚申蒙古進攻夏靈州夏遣
鬼命令公以十萬衆來援丙寅蒙古主渡河擊夏師敗之蒙古主駐鹽州還
次六盤夏人堅守中興蒙古主遣察罕入城諭以禍福

三年春正月蒙古主留兵攻夏王城自率兵渡河攻金積石州夏六月戊申

朔日有食之蒙古鐵木真盡克夏城邑其民穿鑿土石以避鋒鏑免者百無一二白骨蔽野蒙古主避暑於六盤山仍命阿朮魯總兵與賜銀印懷都等與敵大戰於合刺各察兒之地踰月夏國主覲力屈出降遂繫以歸太祖殺之時議屠中興察罕力諫止之馳入安集遺民蒙古太祖因命以夏主遺物盡賜懷都夏立國凡二百餘年抗宋遼元金四國徇鄉無常視四國之強弱以爲異同至是乃亡元諸將多掠子女財帛耶律楚材獨取書數部大黃藥物兩駝而已是時實金之正大四年元太祖之二十有二年也進士高智耀西人也世仕夏國夏亡隱賀蘭山中元太宗訪求河西故家子弟之賢者得之元史自有傳

以上見西夏紀事本末卷三十六

第十二章 成吉思汗之殂落

成吉思汗自西夏還將自入中國監督軍事行次遇病於一二二七年八月十

八日崩時年六十六也元史曰二十二年丁亥秋七月壬午不豫已丑崩於薩里川哈老徒行宮臨崩謂左右曰金精兵在潼關南據連山北限大河難以遽破若假道於宋宋金世仇必能許我則下兵唐鄧直擣大梁金急必徵兵潼關然以數萬之衆千里赴援人馬疲弊雖至弗能戰破之必矣言訖而崩壽六十

六葬起輦谷

在漢北其陵未加築後諸帝皆從葬於此

至元二年

一二六七世祖時

冬十月追諡聖武皇帝

至大二年

一二〇九武宗時

冬十一月庚辰加諡法天啓運聖武皇帝廟號太祖在位

二十二年帝深沉有大略用兵如神故能滅國四十遂平西夏其奇勳偉績甚

衆惜乎當時史官不備或多失於記載云

太祖當崩之前一歲夏在陣中召窩闊台拖雷託以後事曰朕今年老不能久存於世朕生前能成此大國者四方奔馳長途跋涉費時累月頗不易奏功汝等欲保此廣域不可不協力同心以當外敵宜於汝等中選一人爲王奉事之

此時察合台雖不在我側想彼亦不違我言者未幾遂崩臨終之際自拖雷外諸子皆不侍側兀赤前因在阿母河畔起不還野營之讒將加誅之以前歲死至是拖雷承遺命監國以待後王

太祖陵有云在漠北薩里河源有云在山上者中國史錄概取前說泰西史錄多主後說馬可波羅之見聞錄共益社刻本上卷云在阿爾泰山上蒙文元朝秘史云

在阿爾泰山之陰哈岱內之陽爲大謬特克拉施忒之記錄全集云太祖有皇后四人其陵凡四飾爲太祖之遺骸太祖初崩拖雷爲喪主命全國發喪遠者經三月而使者始至然後乃葬太祖其陵地爲太祖未得志時常出獵之浦哈

兒託兒神山又云伊克因庫兒庫大聖山山中太祖初憩此山之高樹邊向從者曰余死後

遺骸必葬於此至是遂如其言未葬之先其地無樹木葬後其周圍乃生樹多數望者不能分辨其後拖雷汗蒙哥汗呼必烈汗阿里布喀等皆附葬於此並

封千戶之民以守陵寢免其兵役

參考元史譯文證補一下

系譜

兀赤

察合台

鐵木真

窩闊台

拖雷

其他關列堅及女火真別姬扯扯干阿勒海別姬禿馬倫阿兒塔楞皆出

於孛兒台夫人

太祖諸弟世系后妃表等元史譯文證補載之此從畧

第十三章 蒙古之制度風俗

蒙古風俗其初最為勤樸不似今之猥賤茸闌也原當時吸收世界各種文化

故能發達一種特質據馬可波羅見聞錄拾其大概云其國民勇於戰陣好勞不倦于優美之事婦人之慾及諸玩好娛樂皆甚漠置常數月間除馬乳鮮肉外無所謂食乘馬戰爭中芻秣亦不令其充裕出征僅攜小幕以爲障蔽人各有二器一爲取乳一爲調理食物戰爭則攜馬乳製之一種食料以爲食品常食則不過肉乳乾酪等及各種肉類但惟以馬肉及一種蛇肉爲重其飲料爲酒武器不用鐵製係以強韌之熟皮爲之此皮取之於水牛及他厚革獸類彼等皆善射幼卽習之常用短刀皆見聞錄所云也

參考其書第一卷第五十二篇記韃靼人風俗習尚五十

三篇記韃靼所敬偶像五十四篇記韃靼人戰征習慣

故當時蒙古初興未染中國之文弱不如後日建

立中夏之奢者皆太祖爲之引率也其制凡爲兵者可進至將校遠征之士多用外人觀元史列傳所載卽知故苟有末技微長皆必採用不分爲何種類也蒙古人無家業以游牧爲生女子專任之男子率多妻妾非正妻所出者不得

爲嫡嗣其婦人專司家政男子則在外從事戰爭常擇十人爲一組成最小團體中推一稍出衆者爲長再集十組爲百人組於十組長中擇其稍賢者爲百人組長遞之至千人組萬人組其立長之法皆同

在中國則爲戶

若在萬人組以上則

特選一最有才能者爲長其宗室則不與此有總督稱可汗執掌命令次及於下俾其確守規律十人組中之人無論如何不得移於他組中均須服上官之命下自一介之卒上至萬人長皆不得違蓋是等軍隊以十人組爲單位各組均納牛馬及馬毛織物等於其長官長官因以自給如其法遞及於上雖戰時無異男子不得課以租稅以女子經理之因其夫遠征日多女子雖操持門內不如其夫在軍中束縛之苦以是責之所當然也至塞而柱克突厥則爲藩鎮制度其長無事不蓄兵有急則招集常經年累月不能奉命殆與中央亞細亞同例故其國勢易衰也

太祖善任人其有氣節尙勇敢者爲攻城之任敏捷者則任以輜重鈍直者則授之鞭督牛馬又言武士以勇氣爲尙猶商賈之必積貨也兵士常時須備弓矢斧不必用鑣錐針系篩出師則一一檢查之而後行若有餘裕或帶軍刀少曲有甲冑爲革製以鐵蔽之凡上長官及等而上之之官皆必佩服

其戰法行軍時則發新訓令每一戰則爲一方畧特別方畧則因時制定無論如何之方畧不能徵之於文書須察行軍之遺蹟先以簡潔之文章勸降敵將不用結語其文曰汝若不降可不必來降惟神獨知之若敵接書奉命則須遣質於幕下以示誠款其部下軍隊無論何時皆須服兵役以蒙古之司令官或太守駐其地統之皆須納稅奉貢物甚巨其額爲國庫收入十分之一中以人類爲一產物故戰敗者降服者其有無雖大差太守必布是令以疲弊之其遲速則以令之浸漸與急激而異耳

兵不輕動必先偵察敵情不問爲蒙古人否皆可當其任故敵之亂黨常食其利偵察既實然後進攻攻時必檢軍中之人數會諸將促庫里爾泰汗自臨與宗室王公共議決之徵兵最多時十人組中各以一人出

惟征歐羅巴則然至昔時則難舉部

署既定然後承太祖指揮數道並進使敵疲於奔命沿途遇人悉斬之閒擒其

一二三令充兵役

若美術家及他重要人物則召仕本國

凡至一城將攻之先須測定兵數部署定

遣使勸降不從然後進擊擊時悉焚其地之所有物留一隊駐前他皆令退敵

見兵少應戰尾追伏即出而破之更進圍城凡所有捕虜皆令晝夜攻擊不絕

以技術所製之砲或火砲

用石油發之云傳自金及波斯也

擊之或用水灌

烏兒克用此法

或造墜道

皆尋常之攻陷法也其誘敵之法則令兵士佯爲倦容置輜重而去城兵因迫

饑餓信之將奪其所遣退者乃鼓噪前進襲之城遂拔其所約束皆無結辭人

悉守一期約以計滅絕後患故敵若乞哀請降亦必殺之無餘其伏兵之進退

動作皆有符號尋常用抄敵法若敵兵甚銳不易攻則誘而擊之

蒙古兵均攜馬多數以作服御其動作銳敏有犯規律者殺之不赦怯戰與妄事抄畧者亦然在陣中必使其休養若在平原曠野未近敵時則與俘虜作游戲俘虜童幼婦女皆有之常以之生理云

其遇待兵士強壯者常不使之過勞以期善後亦有戰利品之賞給平時命行狩獵必有獎勵凡狩獵常在冬初擇一定地各地獲物之多寡均於此申報之故行大獵時城鄉之民皆趨附之其設置獵場先命擇其地之方形面積其中央之地必高四圍之面積須廣大以便兵士羅列各組所獲之物必由此追逐卽以之爲限自此而漸進漸狹有繩張其內其次序不可紊亂若稍誤則有嚴罰獵時將官以上千戶皆可率其妻子眷屬游觀宗室許相從可汗亦在焉與盡射止則上中央之平臺王侯次第角技漸及於將士如是數日其所餘之獲

物有父老來謁者或請特旨放釋則從之以示惠及庶物也故將士先知其必有是命也於所獲之獸不能盡肆屠戮獵畢撤繩歡飲而退

觀湛然居士集中二詩可想見蒙古狩獵壯快之情形矣詩云湛然扈從狼
山東御閑天馬如游龍驚孤突出過飛鳥霜蹄霹靂飛塵中馬上將軍弓挽
月修尾蒙茸臥殘雪玉翎猶帶血模糊駮駮嘶鳴汗微血長圍四合匝數重
東西馳射奔追風鳴鞘一震翠華去滿川枕藉皆豺熊自笑中書老居士擁
鼻微吟弓矢廢向人忍恥乞其餘瘦兔癩瘡紫駝背吾儒六藝聞吾書男兒
可廢射御乎明年準備秋山底試一如臯學射雉（右題扈從羽獵）君不見
武皇校獵長楊裏子雲作賦誇奢靡又不見開元講武驪山旁廬陵修史譏
禽荒二君所爲不足法徒令千載人雌黃吾皇巡狩行周禮長圍一合三千
重白羽飛空金鏑鳴狡兔雄狐應弦死翠華駐畢傳絲綸四開湯網無掩羣

天子恩波沐禽獸狼山草木咸忻忻（右題狼山宥獵扈從車駕出獵狼山圍既合奉詔悉宥之因作此詩）

當時蒙古領域其道有不便於商旅出入駱駝往來者則盡行開通迭置驛郵至今則故蹟已廢矣但考之各書皆有實證道有譯遞官有舍人有馬匹番人等以供往來若驛卒之需索則嚴密防察之示不煩行人也

其初無法律社會卑靡敦綱越紀大爲時害至太祖乃大整飭之然猶簡單其法凡盜姦殺淫者處以死刑乾沒財產或盜戰死者之武器及據有主人之物者皆準之決鬪而偏護者同罪輕者笞蓋以反龐雜之風而入於淳古也

其有罪而震死者嚴禁污火及水此特信於宗教說而然拜火教有之凡席座食几禁止撒布污物禁在流水洗手惟洗衣則不禁殺肉食動物其處置內臟亦有法則回教徒亦然屠者殺戮有規定嚴嗜酒是皆以蒙古文著爲令書之

畏兀兒
文字

題曰烏納牙沙

大命
之義

傳之後昆察合台行之於中亞細亞守察合台規

律者常傳述之

蒙古史卷上終